

明
談孺木著
棗
林
雜
俎

第五冊

進步書
局校印

叢林雜俎中集目錄

名勝

黃河

九河

運河

鹽池

潮汐

南亂北亂

王寧窮汭記

禹汭

呂梁洪

鴈湖

月湖

醋溝

陰司溝

八功德水

皇后水

冰柱水

瀘水

愛陽河水

石槽水

須水

粉水

鶴川水

龍潭

清池

化癭池

珠池

蘇池

舜井

倒井

聖井

丹井

柳翠井

肅府井

火井

鹽井

喜客泉

澹泉

酒泉

肥泉

膽泉

婆婆泉

燕泉

聖泉

喊泉

趵突泉

靈泉

溫泉

水異名

營建

山陵

候氣室

槐廳

明德堂

梅熟堂

六老堂

來玉堂

景鷹臺

銅雀臺

厄臺

主人臺

鶴臺

摩旗臺

梳粧臺

六相樓

瑞光樓

四雨樓

朝天宮

鐵柱宮

雙魚宮

白塔

鎮河塔

應州木塔

虞仲

妬女祠

孟母故宅

蘭交

姜女手跡

殘苦廟

瓜子纒

大禹廟

秦伯廟

南岳廟

御題祠山廟

江神廟

白起廟

長平驛

煖鋪

鐵柱

與言書院

冰廠

魚骨橋

廣濟橋

皇過此橋

倒流橋

萬安橋

仙橋

楹帖

鐵牛碑

宋文貞公碑

毛文龍碑

定霸城

軒轅陵

顛項塚

絲墓

禹陵

唐堯土階

關龍逢塚

齊桓公墓

衛靈公墓

雙娥堆

李牧墓

陳仲子墓

介林墓

王翦墓

鄭玄墓

青塚

孫嵩墓

嚴子陵墓

司馬遷墓

高陵

黃耳塚

郭璞墓

太康瓦券

張賓墓

李太白墓

寶峯寺古墓

南漢劉氏塚

瀧陵阡

蘇文忠墓

琴操塚

方臘祖塋

鐵棺

劉刺史墓

黃元菴墓

蕉花女墓

張王墓

孫一元墓

鄭晚墓

邵灣古墓

虛糧塚

器用

研

古鐘磬

琴

仙針

鐵塔鐵鏊

金斧

石杯

鐘

鼓

圓花鐔

唐鏡

辟塵鑑

張三丰食器

天啟改元

銅法馬

貢金

窖金

銅冶

紫石英

鐵獅

銅獅

關將軍印

木牛

遺印

藤船

空青

荒銀

琥珀

祖母綠

青鳳子

蓬萊閣石鏡

緬鈴

榮植

古木

穀

竹

長韭

彭侯芋

甘藷

荔枝

獨本葱

羅漢菜

人參

地黄

琪樹

佛手柑

薔薇露

大内瓜子

文林郎

不灰木

君子樹

木威

血樹

塔松

椿寶

陰陽栢

紅豆樹

順棘

蕨草

松羔

金剛纂

赤藤

孝陵海棠

指甲花

婆樹木花

木蓮

娑羅樹花

唐婆鏡

蒼菊花

滇茶

玉女花

勞山牡丹

沈萬三牡丹

延州紅

海棠

金蓮竇相花

紫金蓮

輪頂花

普舍樹

素馨茉莉

特產

廬山紫芝

木瓜

芍藥

不出宮菊

菊實

菊譜

蘭

棉花

茅

仙草

不死草

真仙洞草

觀音篋觀音燭

俱那衛樹

夢花草

虞美人草

羅漢絛

通靈草

相連草相離草癡漢藥

茶

金絲烟

經划草

蹟動

獸異名

禽魚異名

龍

蟒

蛇

石魚

飛魚

五色魚

狼山魚

鮐魚

鯨魚

通州鱒魚

畫魚

石花魚

銀魚

鯽魚

蛙

玉蟾

蝗

螢蟬

金蠶

野蠶

鳳尾

碧雞

雞足山異鳥

石燕

朱鷺

海鷗

石鵠

白蝙蝠

鶴

鶴

鷓鴣

鸚鵡

沙雞

綠簪采雞

雞

鴉

羅雀

抵詭

桃拔

毘耶

裴休

騰豸

獅

鹿

犬

羊

白兔

鼠

麟

豪鼠

馬

叢林雜俎中集

名勝

明 鹽官談遷撰 木著

黃河

河南北諸水源渟而暴漲。每遇發時。浪高數丈。排山倒岳。扛梁舟楫。皆不易施。然其淺可立而待也。故俗以徒涉為便。許松皐謂孟子不知子產乘輿之事。亦有理。陸儼山外集

九河

保定地卑。水自西北來者。九曰蘆溝橋。拒馬夾河。琉璃胡良。桑乾。烏流。白澗。白溝。是為北九河。非禹疏九河也。從雄縣而下。匯於毛兒灣。

運河

鎮江至杭州運河。相傳隋煬帝鑿。濟寧楊士聰游武進。戚墅堰。讀遺碑。戚墅支河。自六朝已有之。此言必有所據。夫使運河未通。而先有支河。此涓涓者將安所歸。則知自古而然。非自隋始也。或因而濬之耳。見玉堂薈記中。愚按夫差鑿邗溝以通江淮。

能致力江北。宣蘇常近地。獨不通舟楫。取攻楚。攻齊。轉餉一二千里。必非陸輓。則運河為夫。差時無疑。

鹽池

解州鹽池。蚩尤所窟穴。平時淺波。歲九月九日。先後數日。嘗大風雨。為化鹽之候。彼二十里之聚。各儲草薦木屑。竹枝樹槐。蔽履壞絮之屬。一切雜投。狂風一夕。作凍。明日視之。滿皆鹽花矣。味甘鹹。甚瑩潔。始祭蚩尤之旗。官收其半。民取其餘。無不滿志。寧夏鎮城南北各三十里。俱有鹽池。其產不多。官亦不禁。不知於古何名。河東邊外有花馬紅柳錫底三池。以境外繫。今鹽池之在三山兒者。曰大鹽池。在故鹽州城之西北者。曰小鹽池。其地曰孛羅等池。最多。皆分隸大鹽池。其鹽不勞人力。因風而生。原額三千二百餘引。弘治九年。延綏寧夏二鎮。輪招馬匹。尋乃奏革。正德初。總制楊一清奏。如河東運司例。每引收銀一錢五分。增課五萬二千引。

潮汐

招遠楊太史觀光曰。地之有潮。即在人有天癸之說也。潮之理。每歲升降於二。八。二。八。為一歲寒暑之分。每月升降於初八。二十三。為朔望之分。每日升降於朝夕。朝夕。

為晦明之分。八月潮生而天交於地。二月潮生而地交於天。天交於地而秋冬閉胎息之象也。地交於天而春夏啟長養之象也。天地男女一而已矣。
崇禎戊辰潮溢。吾寧邑人望城外如火。蓋陰火潛然之謂也。

南亂北亂

平涼府沙棠川出崆峒山之後峽。滙於崆峒之東麓。曰南亂。金佛峽水循府川而東至龍音寺。出與崆峒前後峽水而為涇。過府城西北。曰北亂。詩註曰亂。截流橫渡也。

平涼府志

王寧窮汭記

涇州諸坐王寧記曰。汭水紀於禹貢。廣韻。汭音儒。說文。汭。水从內。訓曰。兩水合流之謂也。又曰。小水入大水之名。質其實。雍豫二州。有專名之者。有通名之者。專名者以義也。通名者以類也。以類通名。如會於渭汭。東過洛汭是也。蓋渭自鳥鼠而東。迤涇出筭頭而北來。二水至高陵而滙於河。經龍門東至豫州。洛由熊耳東北入河。既皆小水入大水。且兩流合為一。以故不曰涇渭。而曰渭汭。不曰河洛。而曰洛汭。由是推之。則凡諸州之水類於是者。皆不拘於定名。而得通稱為汭也。以義專名者。涇屬

渭汭是也。汭在華亭城東三里。乃兩水合流。其北源西出小隴山之馬峽。俗呼北河。南源西出隴山之仙姑峪。俗呼南河。北河環朝那山前。蓋山有古朝那王廟。其西北有湫。東去縣東三里。而別稱為雨山。南源環王母山。山顛有古王母宮。東去四里。別稱為儀山。俗呼為回頭山。儀州實以是名也。儀雨兩山。南北對峙。豁開如門。故兩水合而東流。名之曰汭也。又二水交流而下。亦專名為汭也。汭匯為深潭。潭名合水。水之北岸一臺。高廣平夷。荆榛瓦礫錯雜。相傳禹王廟也。北涉雨山之巔。遙見東南隱隱峯巒。侵入太虛。隴州吳山也。沿汭峽。峽石三十里。皆斷崖摧壁。神禹疏鑿之跡也。峽行十五里。南嶺有女神之廟。扁曰抵汭元君。土人呼底茹娘娘。汭詩為茹。茹孺同音。廟東十五里至石堡。汭北受柴即水。源出朝那湫山之陽。而陰即為涇水。又東五里至安口峴牛心山。南受武村水。汭至是益大。北有斷萬山。自馬鋪嶺柴即而來。南有五馬山。自石櫃寺武村而至。兩壁削立。巉巖百仞。東汭於中。雪浪湍激。經行五里。為屯城。唐李元諒屯兵。扼吐番者也。屯東為崇信川。汭水益大。深不可涉。行旅皆袒而渡。又東三十里。北過崇信縣城。崇信人曰汭水。遶北。又東七十里。東過涇州。過回山。乃屬於涇。弘治戊午。督學副憲虎谷王公。按涇州。試諸生竣。乃涉水登王母宮。寧

從行。王公東眺曰：北流而濁者何水乎？寧對曰：涇也。南流而清者何水乎？對曰：汭也。公曰：是禹貢雍州屬涇之汭乎？周職方其川涇汭乎？昔公劉有汭，鞠之即吾過豳。西行三十里，涉一大河，北入涇，是何名乎？寧曰：靈臺之達溪也。公曰：朱子注芮，鞠之即曰：豳地日廣也。試且廣求之。斯地有百泉乎？寧曰：去華亭西北三十五里，朝那山秋陰有泉百餘，為涇源，乃百泉也。有溥原乎？寧曰：亭口靈臺之西，汧陽隴州之北，華亭龍泉之東，有廣原。唐尉遲敬德破突厥，郭子儀破吐蕃之西原也。李元諒開美田千頃，號曰良原，今為溥潤原。公又曰：此與吳山南北乎？寧曰：正相南北。公曰：必茲西去百里外，有兩水合流者，可謂之汭矣。若其窮之手，寧計華亭至涇程一百三十五里，果符公言，還白之。公曰：朱子注詩言汭水出吳山西北者，以名山而志名水，窮汭沂流也。今遂謂出隴州，東入於涇，今隴水乃汧入渭，去涇遠矣。且將置溥原於何地乎？趙中丞時春曰：寧之論汭，謂小水入大水是矣。然達溪雖經流，靈源出武村西南，遠門川諸水含良原靈臺諸溪以入涇，皆汭也。

禹汭

松潘亦有禹穴，禹生於此，其水皆丹。樵李徐道荆親見，向予言之。

陳眉公太
平清話

呂梁洪

萬曆癸卯。鑿徐州呂梁洪。得唐尉遲敬德所題名。相傳孔子觀呂梁。非其處。

鴈湖

廉州府城西北七十里鴈湖。每秋冬有雙鴈游於其間。為其罕有。故名。

月湖

寧夏衛月湖。廣斥無水草。遠望瑩然。畢照俗呼稱。衍古戰場也。

醋溝

唐岑參詩。鴈塞通鹽澤。龍堆接醋溝。郭緣生述征記。醬魁城至醋溝。凡十里。

陰司溝

襄城縣北四十里。頽橋鄭莊公見母處。有隧道在焉。俗呼陰司溝。

八功德水

南京靈谷寺琵琶街側。有池云八功德水。余嘗過之。則澗。按八功德水。見天竺國。一清。二冷。三香。四柔。五甘。六淨。七不噎。八除病。

皇后水

武安縣西八十里太行山中有池夏涼冬溫世傳宋太祖下河東將引皇后入晉陽后病瘡掬此水浴之遂愈至今人稱皇后水

武安縣志

冰柱水

宣府懷安衛城西南三十里虎窩山崖水出盛夏結為冰柱至隆冬反釋

瀘水

諸葛孔明五月渡瀘瀘水即黑水非瀘州也其水色黑故曰瀘沈黎古志孔明南征繇令黎州四百餘里至兩林蠻自兩林南瑟瑟部三程至雋州十程至瀘水四程至弄棟即姚州也金沙江在滇蜀間一在武定府元江驛一在姚安之左徧據沈黎志孔明所渡當是令之左卻瑟瑟一作虱瑟兩林今之印部長官司也

愛陽河水

宣府愛陽河在炭山西北二十里本牧地深二尺餘下有頑水黑色者數尺水上有浮草性涼宜牧馬其地生黃花大如錢人馬蹂踐萎悴明日復生如新

石槽水

高陵縣清真觀在縣東南二十里吳村西魏文帝嘗過此有石槽圍方不及二尋水

常盈以飲隨駕馬千餘匹不減涓滴文帝異之主觀者對曰臣有飲馬珠在內故水不竭頓首獻珠今石槽存。

須水

滎陽須水須音會今寫作須讀作需訛。

粉水

粉水原出房縣蕭何夫人於此漬粉鮮潔異常。

鶴川水

雲南鶴慶刀劍取麗江之古宗鐵灌以鶴川利可剝犀屈之可以繞指。

龍潭

天啟丁卯立秋日天臺石梁下龍潭忽涌金錢二枚各重一兩六錢面鑄太平通寶字攷縣志宋太宗鎮潭物也遂名塔曰聖祥。

清池

滄州清池凍冰結花四散離披有松竹牡丹車馬人形等異狀詩曰雨木日中皆佇立結冰池上盡離披出周府博平王錦囊。

清池中蓮蕊取之研如泥凡繪圖寫畫光焰勝金色以上滄州志。

化瘵池

武安縣西栢林里有池周十八畝瘵者飲之可化。

珠池

廉州府城東南八十里有平江青鸞楊梅池雷州有樂民池俱產珠。

明時率十五六年或十年一採始得美珠邇者三年一採俱碎小潘臬有劄頗受詰責。

嘉靖二年採珠至十二年復採僅隔十年海北道僉事翁溥嚴立採法四閱月方才封用口銀七十餘兩除織造螺筐起蓋廠房夫役俱役民不預造報者不下二十餘兩僅得珠四千餘兩所得不償所費尚且碎小口匾不堪二十四年九月又採如前知府胡鰲建議謂前採納至今僅隔一年螺珠未生縱有一二生息俱係嫩小無珠恐復虛費又攷洪武二十九年詔採珠至永樂十四年始復採又至天順三年詔採珠弘治十五年復採正德九年詔採珠則以為頻數矣嘉靖五年詔採珠其年十二月大雨池水冰結樹木皆枯民多凍死螺筐夜有火光人皆異之九年又採十二

三年運採。此珠之所以少也。正德九年採珠。惟樂民池無珠。

蘇池

眉州三蘇祠有二池。遇賓興。蓮開並蒂。必有登科者。

舜井

舜井在歷城山下。綠床朱纒。婦子牽挽數十步不止也。深十五丈。左圓右方。或棄物於井。則從西出。

倒井

諸城縣北五十里城陽社井。欹卧斜入。如人拳倒而然。泉甘。冬夏不竭。

聖井

卽鄆縣西北二十里聖井。其水常溢。遇旱。取水祈禱有驗。先期齋宿于廟。次日詣城隍廟。焚告詞。又次日與眾步迎城隍。如聖井廟。拜訖。令媿婦潔者七人。各持新帚環井洗箕。以箕揚水如飛雨狀。仍各大聲云。東海老龍七個。如刷子簸。就下雨。如是者數次。始陶井。時大伐鐘鼓。眾伏地號呼。如哀如訴。待新泉涌出。取注瓶內。仍徒步擇歸。朝夕行香。雨後送入井謝之。

丹井

四川德陽縣江干有許旌陽丹井。江水撼射井屹然不崩。歲旱江竭井溢如故。

郭子章司

柳翠井

仁和縣阜亭山柳翠墓。普濟菴有柳翠井。

肅府井

甘肅肅王府有井。嘗涸。秋子果熟以牲禱井。泉溢煎果作紙味酸。解渴化痰。果盡復涸。又酒泉倉無鼠。曹縣監亞中集

火井

臨邛縣火井。夜時光映上照。民欲取其火。先以家火投之。頃許如雷聲。火焰出。通耀數十里。以竹筒盛其光藏之。可拽行。終日不滅。井有二。水取井火煮之。一斛水得五斗鹽。家火煮之。得無幾也。杜詩。負鹽出井。此沒女。正指是井。蜀井大都艱於得鹽。而此井獨易。

鹽井

蜀中鹽井。始於李冰。大都竹井。井形大如竹。僅可容竹也。其鑿之甚難。其入之甚深。其汲之甚苦。水出山石。澹上鹽下。有鑿至五六十丈而淡出。百丈而鹽出。鐵釘。漕釘。刮筒。吞筒等器。纖悉甚備。不比晉齊燕取水成鹽之易也。四川通志

喜客泉

句容茅山喜客泉。濶二丈。深三四尺。清冷見底。客至拍手。浩嘆歡笑。泉底噴沫如珠串。啞啞向人浮出。相戒默然無言。泉亦沈靜。

澹泉

海鹽尚胥橋北河中。方丈許。沸涌味淡。蓋海眼也。或繩探之。莫測。土人沈氏偶蒿中之。反濯一木為梁。又縣城西天寧寺有澹泉。鄭端簡澹泉本此。灌字疑誤

酒泉

東昌崔平縣西北丁家岡甘泉宜釀。

肥泉

水經有肥泉。如國地志有肥壘城。其地在今東垣之境。泉水詩曰。我思肥泉。茲之永嘆。釋謂衛女思歸。肥泉為自衛而來所渡水。今此水當在邢衛之間。予往經是縣。泉

水又不多見也。但觀其土壤沃饒，優於鄰境，肥之名，其以是與。

陳裴廣平府舊志

膽泉

鉛山縣西七里銅寶山有貌平坑石竅中。膽泉流出，浸鐵可銅。又鵝湖鄉去縣治七十里，有溝漕七十所，取本地水積為池，隨地開溝，碎鐵鋪之，浸染色變。鍛則為銅，又德興縣北銅山下，一名銅泉，浸鐵數日，類朽木，刮其屑，鍛銅。福建上杭縣紫金山膽水池亦如之。宋游經言：膽水可浸鐵為銅者，凡十一所。古坑有水處曰膽水，無水處曰膽土，膽水可浸銅，膽土可煎銅。

婆婆泉

廣西慶遠府思恩縣北五十里，有水常隱不見，遇行人渴飲，婆婆則涌出，飲足復竭。

度遠府志

燕泉

郴州城西有泉，春燕來水盈，秋燕去水平，故何孟春尚書號燕泉。

聖泉

貴州城西五里，泉出石罅，匯為方池，一日百盈百竭。弇州錄名百刻泉，郭中丞于章

住觀。倏盈。倏竭。偶雨集。井溢。僕夫趣歸。言百舉成數也。一統志稱聖泉。長史劉汝楫記曰。宇內名泉。若湯泉。火井。瀑布。趵突。諸類。洎陸羽所品。次靡可縷指。特壤界色。味稍殊。而無潮汐。惟漳浦。蠟湖。侯官。潮泉。鍾山。應潮。建州。潮泉。固亦消息有期。而其地瀕海。乃緣海為潮汐。泉不得與也。若池陽。潮泉。章貢。三潮。安甯。海眼。樂平。鳳游。荆門。蒙泉。郴州。潮泉。吾鄉。龍驛。潮井。去海懸絕。似與聖泉為伍。第彼潮候。僅再至。三至。亦未有百刻消長。別具一橐籥者。則聖泉之靈且異。在別境。寧復有此乎。

喊泉

武夷山喊泉。當製膏茶。太守禱畢。大呼天子要茶。泉即溢。復呼太守要茶。泉復溢。否則涸。按何喬遠閩書。建安縣御泉。一名鳳凰泉。一名龍焙泉。宋上供茶。取此。深僅二尺許。有暗渠通溪。泉日夜從渠出。而舊志謂喊之則出。造畢則竭。蓋神異。其說以表美云。

趵突泉

濟南府呂祖廟前趵突泉。三穴並湧。高數尺。如隱雷。蓋沈水下流也。崇禎乙卯正月。濟南陷。泉勢亦減。

靈泉

岐山縣東十五里周公廟東西有靈泉相傳世治則出。世亂則竭。其出必風雨數日。唐太宗二年出。賜名潤德。後復竭。雍熙二年復出。金末復竭。元至正十七年復出。其後仍竭。明弘治十五年九月甲子雷風又作。山澤震裂。泉乃復出。

溫泉

泉貴甘冽。至於溫異矣。又並泉也。一溫一冷。猶是泉也。倏溫倏冷。不異之異乎。博物志。凡水源有硫黃。其泉則溫。或云神人所暖。主療人疾。後周王褒溫泉名云白礬。上徹丹砂下流。乃知溫泉必白礬。丹砂。硫黃。三物為之根。乃蒸為煖流耳。明廣陵御史桑喬曰。雷火所灼。其氣亦硫。豈以雲雷之中。而亦有硫哉。蓋極陽之氣也。夫溫泉亦極陽所聚。蘊隆口如五行變化。奚所不至。蕭山之墟有涼餃焉。可云其下有冷石耶。愚深服其辨。而溫冷變換。又所未解。政聖人之不論不議也。概見一統志。間有遺採。偶景之似終未盡。

北京

順天府昌平縣西北二十五里湯洛山下有溫泉。又東南三十八里湯山下湯泉。四

時常溫浴之愈疾。

遵化縣西北福泉寺山下寬平約半畝泉水沸出溫可浴。

真定府平山縣西四十里溫泉。

阜平縣西北八十里湯池俗傳昔有吳王經此欲浴池水忽熱王惡之旁即有冷泉噴出至今兩泉一溫一冷。

順德沙河縣西北七十里湯山下湯泉可愈疾。

永平府撫寧縣東北七十里溫泉浴之愈疾望之熱氣氤氳。

延慶州西北三十里佛峪山下有溫泉。

保安州城南十五里溫泉。

萬全都指揮使宣府城東六十里湯池山有溫泉愈疥癬又西南順聖廢縣東二里溫泉下流半里滲地。

赤城堡龍門鎮宣府城東北四十里北鄉赤城寺側山根湧出暴熱而流有一冷泉浴之愈疾。

雲州堡寶濟鄉暖湯一處出泉凡七十二眼。

應天府上元縣東六十里湯山。湯泉六穴。以煮豈穀。終日不熟。草木灌之。愈鮮茂。劉宋江夏王義恭銘曰。秦都壯溫谷。漢京嚴湯泉。炎德資遠液。暄波起斯原。又府城東北四十里。水同一壑。冷熱相半。熱可滄雞。中皆有魚。魚交入輒死。民引熱水溉田。一歲再熟。又府東南鴈門山。上有溫泉可浴。

江浦縣西三十里湯泉。一名香泉。其泉有二。相去百餘步。南唐韓熙載記其泉能蠲除疾疹。又溧水縣西南香泉同。

廬州府巢縣東北十五里丰湯山。有二泉。名丰湯池。一冷一熱。合流其初冷熱仍異。數里之外始相混。魚自冷泉觸熱即亟回。

舒城縣西南七里湯泉。冬夏常熱。可以烹茶。

英山縣東西皆有湯泉。四時沸騰不竭。

安慶府望江縣菩提寺北。司馬龍井。冬溫夏冷。可以愈疾。

皖公山上湯泉。四時如湯可浴。

徽州府歙縣西北百二十里黃山第四峯。有泉沸如湯。常湧丹砂。浴之能愈風疾。和州北三十五里平疴湯泉。其色深碧。沸白。香氣襲人。愈瘡疥。太子泉即湯泉之一。

梁昭明太子嘗浴此

含山縣永興院半湯泉

山西

太原府定襄縣東北二十里。聖草山有溫泉。龍朔中嘗賜錦幡。李治有碑記。遼州東八里溫泉。冬寒熱氣上騰五六尺。口沁水南一里。暖泉。隆冬不冰。

孟縣北百二十里。溫泉有三穴。一穴出盤石中。尤熱。舊經云。北齊濟南王有疾於此沐浴。遂愈。其水南注滹沱河。一出縣東二十里。名溫地泉。孝義縣西九十里。高唐山之側。溫泉。靈液淡淡。和氣如薰。經嚴冬積雪不冰。

大同府治。東北大井。南北七十步。廣減尺許。深不見底。炎熱上井。常若雷霆。以草爨之。則烟騰火發。又東北去火五六尺。湯井。廣輪如火井。熱勢亦同。以草內之。皆沾濡露結。故俗以湯井為日升井。

靜樂縣東十五里北山下。石縫中溫泉。流入碾河。

蔚州府西三十里。暖泉。夏涼冬暖。可資灌溉。

守嵐州城南山下。溫泉。其穴數十。引為水磨。

永寧州城西崖下。溫泉湧出南流與川水合。

寧鄉西南百里。暖泉村。其泉有氣。又名牛尾泉。西北流入黃河。
五臺縣東南四十里。有溫泉。東流入清水。

山東

兗州府曲阜縣南七里。溫泉。

沂州東北。郯城縣西北。俱有溫泉。

青州府安丘縣西七十里。溫泉。

登州府城南七十里。溫泉。又棲霞縣艾山。寧海州嵒山。

福山縣西三里。奇泉。自石孔出。味甘。冬溫夏冷。

招遠城東。二泉並出。一寒一溫。

寧海州東四十里。龍泉。文登縣西七里。湯泉。又東北六十里。溫泉。皆寒溫。二泉並廢。

萊州即墨縣東四十里。溫泉。烏墮輒爛。旁有冷泉。

遼東都指揮使司溫泉凡六。一都司城南五十里。一城東南五十里。柳河。一西南七
十里。鞍山。一曹莊驛東十五里。一寧遠衛東南二里。一廣陵前屯衛北七十里。

河南

河南府城南溫泉冬溫夏涼。又新安澗池嵩縣俱有之。
南陽府城北二十五里紫山有水冬夏常溫曰陽谷。

裕州歷山七峯山各有泉冬暖。

汝州西南六十里溫湯泉有九眼東南流注廣城澤可療疾。唐武后嘗幸此有溫湯碑。又有寒泉南流。

汝軍府固始縣西南山中溫泉其熱如湯其色綠。
商城縣南溫泉能已瘍疾。

涉縣西北三十里溫泉今淤塞不存。

陝西

西安府臨潼縣東南二里驪山溫泉下乃磬也秦始皇於此砌石起宇漢武加修飾。
唐時建溫泉宮。

藍田縣西南四十里石門湯泉口武功縣太乙山有水沸涌如湯可療百疾。
鳳翔府寶雞縣太白山下有溫泉可治百病世傳清則疾愈濁則無驗。

平涼府北城之間有溫泉。即古柳河也。深數尋。溢出灌溉諸園圃。冬煖不冰。趙時春平涼府志曰。平涼府為川者二十。而贏為泉而冬不冰者以數百。而冰者不與焉。鎮原縣鹽池東有泉。冬溫。又有泉可植蓮。皆東入高平鄉。

隆德縣城東百步。溫泉出石穴。寒洩不冰。萍草冬青。下有廢蓮池。圍可二里。靈臺縣保山之陰。溫冷泉。半溫半冷。浴之愈疾。

靜寧州城東五十里。有煖泉。冬弗凍。又城東三十里。乾磴川有溫泉。延安府治南。泉有七眼。味甘。冬溫。夏涼。遇大寒。流溢不凍。其濟居人。

甘泉縣南四十三里。溫泉山下有溫泉。

陝西行都指揮使司永昌衛城西南三十里。暖泉。二穴湧出。四時常溫。東北流入水磨川。

寧夏靈州守禦所西南一百餘里。山東滾泉。自地湧出。高大許。其沸如湯。

寧夏韋州煖泉在鹽池西南。

浙江

金華府東陽縣東南四十五里。夏山上有池。冬溫。夏涼。

台州府仙居縣東南二十里黃赤湖。修廣皆數丈。水四時如沸。夏飲寒浸毛骨。冬飲則如湯。相傳宋時嘗有龍出沒云。

桐廬縣北十五里神泉。冬溫夏涼。病者飲之。或瘥祈禱多應。

江西

南昌府寧州西黃龍山下。冷暖二泉同出。相去數尺。

奉新縣九仙山。湯泉湧出道間。一溫一沸。

南康府建昌縣西八十里。湯泉愈瘡疾。

廬山主簿山。在胡郎廟南數里。山下有溫泉。穴口圍一丈。湧出如湯。沸。冬日恒熱。

建昌府新城縣東四十里。溫泉有硫黃氣。浴之愈疥瘡。

撫州府臨川縣城西三十里。溫泉中有伏石。分為二流。其陰水差寒。其陽水常沸。

吉安府龍泉縣湯泉。凡三。一縣西八里。一新田院側。一朱砂礮下。

袁州府宜春縣城南三十里。有溫泉。泉有魚。投以生卵即熱。

贛州府溫泉。凡九。在信豐者一。在寧都者二。在安縣龍南者三。皆溫如湯。而寧都尤

熱。

九江府德安縣三十里廬山下湯泉石池五南一池極熱手不可探北四池稍溫浴之有硫黃氣

湖廣

武昌府蒲圻縣南五里湯泉冬夏常沸

襄陽府光化縣南五里溫水河舊有一泉其水溫暖今河尚存
房縣東湯泉中有硃砂

德安府應城縣北六十里京山有溫泉淵靜如鑑聞人聲則湯奮發其熱可燂雞又
應城西五十里玉女泉其泉熱沸

隋州城西百二十里大洪山西北有煖水

蘄州城北百四十里泉沸如湯有硫黃氣

岳州府平江縣北九十里幕阜山有溫泉三穴

長沙府攸縣東六十里溫水泉冬溫夏涼又縣東百二十里有煖水石泉宜冬浴
衡州府來陽縣平陽五都有二泉其水春夏溫秋冬滾沸

永州府零陵縣溫泉

常德府桃源縣西北百二十里湯泉又有冰泉人曰陰陽泉

郴州興寧縣東北五十里石牛山其巔有雁池冬月温煖雁嘗食息其中郴州北二十里平地泉湧出如湯沐之愈疾

桂陽縣北三十里白芒溫泉冒風者浴之多愈

宜章縣東二十里溫泉池又縣西六十里有桃花湯其水冬夏常煖

四川

成都府新都縣溫泉冬月未至數里遙見白氣如烟

順慶府儀隴縣火井天寒焰從地出

叙州府富順縣火井

重慶府城西南百六十里温湯峽泉自懸崖而下涌出四時騰沸如湯

合州東五里温泉

夔州府開縣三潮溪冬熱夏涼又縣南温井冬夏常温

潼川州蓬谿縣西二百里官館鎮之北伏龍山下火井地窪若池以火引之有聲隱隱發地中少頃炎熾夏月積雨停水則焰從水上水為之沸而寒如故久月水涸則

土上有燔觀者至焚其衣裾也。又邛縣西八十里。大邦博物記云。井深二三丈。以竹木投取火。後人投燭井中。火即滅。絕不復燃。

東川軍民府西南三十五里。湯池水出石竇中。熱如沸湯。清徹如鑑。

四川行都指揮使司溫泉二。曰寧番衛城東百四十里。曰越舊衛城東二十里。四時溫煖可愈疾。都司北七十里。熱水池。四時常熱。流入溪河。合瀘水。接金沙江。

福建

福州府城東崇賢里。湯泉味甘而性平和。熱甚。硫黃氣。謝肇浙江雜俎云。吾郡城內外溫泉共十五處。

汀州府城東四十里。湯泉。

興化府莆田縣城西南。大溪中。湯泉有三穴。如井。熱甚。漢時胡道人棄丹於地。水遂溫。浴之多壽。以上見一統志。而莆田又錦江西桃源。溫湯池。又上杭橋西北岸。溫泉。潮退可浴。餘縣搜附於後。

南安縣城山。溫泉有四。三熱一溫。

德化縣湯巖。湯泉出焉。

永春縣湯泉二。一在湯邊。一在登瀛橋北。

安溪縣湯泉六。

大田縣湯坑湯熱可浴。

沙縣熱水池。其水夏冷冬溫。

永安縣湯池六。熱水口。苦竹村池。仕洋湯池。溫湯池。龍峯湯池。

上杭縣溫泉二。小拔湯。

長汀縣南何田市湯泉。周數十丈。熱能熟生。名無垢泉。又一在縣南安仁院。石竇湧出。可溉田。

清流縣溫泉三。池溪。嵩口。北原。可以熟卵。

連城縣湯泉。

永定縣湯泉三。大洲湯泉。出地中。下洋湯泉。出石壁。李田湯泉。熱能熟物。旁有溫泉。

可以知之。

龍溪縣溫泉舊西廂城址下。

漳浦縣梁山南北兩麓各有溫泉。

龍岩縣溫泉在塗潭社四時可浴。一在小溪社熱氣尤甚。

南靖縣溫泉四。永豐里二。歸德里一。清寧里一。

長泰縣湯泉二。

平和縣溫泉二。清寧里。新安里。

寧洋縣湯池。

廣東

廣州府清遠縣東九十里湯泉有石如錢出泉熱可熟物。

韶州府城東南五十里湯泉能熟生物每霜雪時泉氣上蒸赤魚時見人不能獲。又曲江縣西北四十里泉有三穴四時沸涌可以芡烹。又樂昌縣東北四十里溫水冬夏常溫愈疾。又乳源縣西北二里石穴中溫泉。又靈君山周山嶺溫泉二。

瓊州府感恩縣北七里溫泉夏冷冬沸能愈風疥瘡氣。

高州府溫泉三。曰府城北一百七十里。曰信宜縣治南。曰石城縣北五十五里。

廣西

柳州府來賓縣西北一百里雙泉冬溫夏涼。

象州東三十里。溫湯泉。其水常熱。可熟物。

萬州城西溫泉。

雲南

雲南府安寧州北十里。湯池。雲南溫泉非一。此為用色碧如玉可鑿。

臨安府治溫泉。每春莫。郡人浴三日。謂祛時疫。又西北四十五里。及建水石屏阿迷三州。通海河西。峭岷。蒙自四縣。俱有之。

鶴慶府城東南溫泉。每歲三月浴之。愈瘡。

麗江軍民府通安州。阿失村有溫泉。

廣西府彌勒州西十里。阿欲部山下溫泉。

蒙化府城南。甸尾山下溫泉。相傳蒙納奴邏母病。浴之愈。

沅江軍民府城西北十五里。溫玉泉。石間迸出如湯。

北勝州溫泉二。曰州城枯木村。曰州南沙田村。

馬龍多。即甸長官司北五十里。徽崇山溫泉。其熱如湯。

尋甸軍民府南五十里。溫泉。俗呼熱水塘。

金齒軍民指揮使司城東二十里。哀牢山下。有石狀如鼻。二泉出焉。一溫一涼。曰玉泉。又城西二十里。虎障山下。溫泉。

隴州宣府司湯泉。從石罅出。為河。熱甚。

貴州

貴州普安州溫泉有二。一在城東南八十里。一在樂民千戶所西。水溫可浴。

水異名

芮。水厓也。芮之言內也。水之內曰隩。水之外曰鞠。韓詩。苗既之。即隩與鞠同。九皋九折之澤也。水隙曰澗。隙。重甌也。水之表上洒下似之。許氏曰。岸上面平。夷而其下為水洗蕩。蓄入之也。水中高地曰坻。水草交曰蘆。水會曰澗。一曰水外高。有瘞埋之象。營建。

山陵

孝陵。應天府朝陽門外鍾山。○懿文太子祔葬于側。世稱東陵。○孝陵後有小阜曰大山。萬歷間。金壇于玉立欲治葬。以科臣論止。空其穴。後誠意伯劉昭葬其父。盡臣孝陵享殿。○大祖高皇帝。孝慈高皇后。左淑妃李氏。口妃口氏。皇貴妃孫氏。皇貴人。

□氏皇美人口氏右碩妃生成祖文皇帝。

孝陵道中。觀音閣後壁。瑪瑙石。高大餘。衡丈有□尺。光潤如玉。出青龍山。永樂間採

長陵。昌平州城北。天壽山。自紅門進御道。凡二十餘里。舊名東祚子山。永樂七年卜
建。賜曰天壽。世傳燕山賈氏舊居。無楮。千峯萬壑。交鎖周密。嵯峩森翠。後視高山數
十重。來跌斷。明堂平澗。羅城諸小阜。尤密匝。祔葬十六妃。

獻陵在長陵右。祔葬四妃。

景陵在長陵左。祔葬七妃。

裕陵去昌平二十五里。獻陵之西。祔葬十八妃。

茂陵去昌平二十七里。裕陵西北。祔葬十四妃。

泰陵在茂陵西。無妃祔。

康陵去昌平三十五里。泰陵之西。九龍池環其前。松圍繞其左。

永陵去昌平十八里。長陵之東南。規制魏廡如長陵。而巧麗過之。俱襄陽白石。兵部
員外郎餘姚駱用卿所擇。祔葬妃三十。嬪二十六。

昭陵

定陵在□陵□大峪嶺。徐尚書學謨議擇。時通政參議梁子琦等難之。為輔臣申時行王錫爵等所斥。崇禎初。尚書姚思仁督理。多朽石。寧無罪地脉哉。吾軍陳與郊。以給事中。巡工。言壽宮五室。中三間侍馭。四隅維以鐵索。各大銅缸注油。左右室通門。侍中宮及嗣帝所生母升祔。○神廟閱壽宮。自坐石室飲酒。

慶陵

德陵石橋。高不五尺。長不五丈。砌石無甚費。而耗二十餘萬金。享殿寶城尤不實。且陵地窄甚。僅當西山之脉。在永陵左。相距不百步也。蔣德景云。

德陵窆曰石梁中斷。諸臣壘培土。不敢以聞。諸陵明有碑題。□宗□皇帝之陵。按思門內有碑。俱無字。閤以木柵。

思陵在紅門西。三里。與諸陵隔河。諸陵俱河北。思陵獨河南。即故皇貴妃田氏園也。

候氣室

順天府治。有候氣室。每立春。先期五日。奏遣欽天監習占候者二人。往設瑄實。灰如

舊法占畢還奏。

槐廳

全州蔣相國冕治第南門外。巨槐一曰槐廳。

明德堂

天下泮宮俱明倫堂。獨應天府學明德堂。以宋文天祥手書故。

梅熟堂

鄞縣東北三十里大梅山護聖寺。漢梅子真舊隱也。寺有梅熟堂。先是梅甚巨。稱為梅龍。孫權伐而三之一。會稽禹廟梅梁。張僧繇所畫龍飛去者。有梅核半。可容粟一斗。正德間盜失。

六老堂

南康六老堂。因五老峯。祀宋守朱元晦。曰六老。

來玉堂

王元美弇山園中堂。成通汪伯玉至。名曰來玉。董玄宰做之。樓成。適陳仲醇至。曰來
仲。

瞭鷹臺

南海子方百六十里。殿旁瞭鷹臺。臺臨三海子。渡以七十二橋。

銅雀臺

曹瞞臺於鄴水。與西門豹祠相近。今水中隱隱三臺址。蓋銅雀金鳳玉井云。二臺久沉。一臺址稍高。

厄臺

陳州厄臺。孔子絕糧處。崇禎時。流寇佯齎諸生其上。圍斬之。又遭厄也。

主人臺

潁州東二里岳廟前。元和每旦彩雲騰覆。明興太祖嘗幕其上。天下大定。雲散。土人

呼主人臺。

潁州志

鶴臺

崇禎甲戌。湖廣松滋縣得石碣。晉羊叔子所書鶴臺二字。

摩旗臺

全椒縣西北四十里。宋將焦光贊結寨於焦山上。營壘皆石砌。高數尺。圍可六里許。

東有搖旗。北有摩旗臺。雨洗後嘗出甲葉鐵鏃之類。石窖中。未麥至今猶不腐。全椒縣志

梳粧臺

皇城北苑中有廣寒殿。相傳遼蕭后梳粧樓。成祖定鼎北京。勿毀。以垂鑒戒。萬歷七年五月七日。樓傾。梁上金錢一百二十文。云至元通寶。則樓創於元初。非遼時物矣。張居正雜著

六相樓

四川達縣。本宕渠故地。洪武庚辰進士。柳州曹嗣宗。丞達縣。修六相樓。祀唐李嶠。劉晏。元禎。李適。之。韓滉。宋張商英。嗣宗終廣東按察僉事。

瑞光樓

鄞縣南二十里。標社。元末永嘉高則誠。明避亂寓於沈氏樓。作琵琶記。夜按拍而歌。蠟炬二枝相隔。光忽交合。名瑞光樓。遺址存。

四雨樓

姑蘇廣福山。周天球治園。有四雨樓。桃梨海棠。各栽一面。謂海棠濕透。胭脂雨。梨花一枝春帶雨。桃花亂落如紅雨。其右臨水對山。曰珠簾暮捲西山雨。

朝天宮

南京朝天宮古冶城也。後殿黃垣據高垣之上。太祖嘗更衣於此。俗傳葬其下。非

鐵柱宮

南昌鐵柱宮。東南隅。方丈梵池。作石欄。鐵柱微露。乃石耳。非鐵也。陵儼山錄章漫抄

雙魚宮

錢塘洪侍郎瞻祖游江西玉皇山寺。見石盆中金魚八枚。游泳必雙。異而問僧。謂僅四頭。因登席聳視。果然。平視又如前。僧曰。此名雙魚宮。乃旌陽真人所遺仙跡。遊覽志失載。

白塔

四川白塔。初來安縣北六十里。白塔寺。路通盱眙。有磚塔一座。雷擊。掣其末三層。遺在泗州境。伏虎山。今存半塔。創始雷掣。俱不知其何年月。

鎮河塔

涿州桑乾河中。以有塔。名鎮河塔。嘉靖元年。塔崩。內有古錢。皆飛空如蝶。自後河水不時泛溢。涿州志

應州木塔

應州佛宮寺木塔。四層六簷八角。高三十六丈。遼清寧三年。田和尚奉勅募建塔。後殿九間。通一酸茨梁。洪武元年四月八日。塔頂佛燈連明三夜。文皇帝北征。幸其上。題峻極神功。後武廟巡應州。題天下奇觀。應州志

按佛法佛菩薩塔高十三層。辟支塔應十一層。阿羅漢四層。餘隨品級減之。此八種塔。並有露盤。佛塔八種。菩薩七重。辟支六重。四果五重。三果四重。二果三重。初果二重。輪王一重。凡僧但焦葉火珠而已。後世建塔。不原佛制。聖凡相濫。訛謬至多。

虞仲

太伯逃荆蠻。自號句吳。從歸百餘家。立為吳太伯。太伯卒。無子。仲雍立。是為口仲雍。傳三世。至周章。武王克殷。大封同姓。封周章于吳。封其弟虞仲于周之北。故夏墟列為流侯。是為虞。司馬貞曰。夏墟在河東太陽縣。據志書。平陸即古太陽縣。至唐開元始更令名。其廟為太伯明矣。或者謂太伯以次而傳。至周章是為南之吳。虞仲始受周封于夏墟。是為北之虞。然則虞祖虞仲。曷以廟太伯哉。曰不然。武王大封同姓。周

公于魯。召公子燕叔鮮于管叔。度于蔡。及神明之後。封止一國一祖。而受二封者。惟于太伯見也。武王之意。以荆蠻吳夷。其禮鄙俚。不足事太伯。而報其德。再封于虞。得處先聖王之舊邦。且邇中畿之地。得用中國之典禮。其於太伯之德。庶幾乎報矣。

夏錄王翰平陸縣太伯廟記

姒女祠

平定州東九十里。承天鎮。俗傳姒女。介之推妹也。舊經云。介山氏之廟。唐武后幸河東。道出祠下。懼風雨。欲開道以避之。狄人傑曰。一人行幸。風伯清塵。雨師洒道。何姒女之避。遂止其役。駐蹕祠下。風停雨息。

孟母故宅

榆次縣古城西南隅。蓋孟子鄒人。其母井人也。其地有三徙鄉。

蘭交

榆次縣東南四十里。相傳蘭相如所居故里。當秋深。地無霜。五穀登衍。人異之。

姜女手跡

曲沃縣西南三十里。侯馬鎮南河西堰中。世傳姜女托堰哭夫。手印于堰。至今土雖

屢傾遺蹟猶存。

殘苦廟

介之推從重耳出亡。追者甚急。之推以其子林代死。重耳入晉。之推妻及林妻尋推聞焚死于綿山。俱投井死。鄉人即其地立廟祀之。曰殘苦廟。在曲沃西關外。

瓜子纏

宛然
翼城縣東南五十里。非陽阪下曰瓜子纏。相傳老子食瓜處。子落皆成石瓜子。其形宛然。

大禹廟

龍門大禹廟。俗傳食豕肉。詣廟必風。壁畫精工。與岐山周公廟壁畫並稱。

秦伯廟

平陸縣秦伯廟。

南岳廟

衡州南岳廟。古松百餘株。銅香鼎甚巨。不可圍抱。銅鐘重九十斤。有大祭則鐘聲先振。

御題祠山廟

廣德州北五里橫山張真君廟。明初高皇帝南征過之。題曰天下英靈第一山。白雲為闕石為關。將軍幸得來瞻此。暫解干戈動笑顏。

江神廟

湖廣魚鎮江神廟有神木。江夏賀相國逢聖歸楚。木出於江蒼古挺拔鎖以鐵索。

白起廟

武安縣西關白起廟。正統間縣丞李昇以起殺降挾詐。遂毀其廟。

長平驛

山西高平縣古長平也。耕人嘗得遺鐵如綠玉。長平驛即元平章賈魯宅。堂三楹。梁柱俱桑木甚巨。賈氏裔猶存。

煖鋪

都御史葉成巡撫宣府。於沿邊孔道設煖鋪。即唐人邊鋪也。

鐵柱

雲南大理府趙州東南九十里白崖城。蒙氏建極十三年四月鑄鐵柱名曰建極。又

鑄笠覆於頂。土人號天尊柱。歲貼金其上。祭之邀福。

與言書院

去陳州百里曰互鄉。介項城上蔡間。今更曰潔已鄉。立與言書院。

冰廠

蘇州冰廠十有六。清人始至。問廠何為。曰藏冰者。謂伏兵也。焚其五始悟。

魚骨橋

海門縣禮安鄉。以大魚骨作橋。長丈八尺有奇。元至正中。潰入江。萬歷戊戌。隨沙漲起。呂四場民獲之。廖令口移建儒學前。色黝黑。有鐵釘痕。毫無朽蠹。揚州府志

廣濟橋

湖州廣濟橋。宣德間。知府王源建。歲推稅萬餘金。

皇過此橋

崇德縣皇過此橋。以宋高宗南渡過此故名。見縣志。萬曆橋北。沈望雲伐竹得碑。葬石刻宋寧宗姑。墓駙馬黃氏。鹽官人。始知為皇姑子橋。

倒流橋

當陽縣北漳水上。倒流橋。相傳曹操追劉先主。張飛據橋大呼。水為逆流。魏人不敢

迫。承天府志

萬安橋

泉州萬安橋。俗呼洛陽橋。長三百六十丈。萬歷口丹陽姜志禮守泉州。修萬安橋。得石刻曰。同節來修。即公號也。又鄞縣蔡錫。永樂癸卯鄉試。入胄監。仁廟以學行授兵科給事中。出守泉州。欲修萬安橋。發石刊曰。石頭若開。蔡公再來。檄海神。遣醉卒自投於海。若有神擊之者。俄易書一醋字。必八月二十一日酉時也。事載錫家傳中。今廟像皂服。行人過。焚草履一鞠。

福州臺江大橋。長百餘丈。

仙橋

雲南白崖川。獨木橋十餘所。木大如指。長三尺。或五六尺。巖險不敢着足。樵人捷足過之。亦不損折。其木非常見之材。每望夜一易。不知其因。明日但見新製。曰仙橋。

楹帖

直也如弦。縱道邊夫復何憾。比而得獸。雖邱陵亦美。以為清

靜亦靜。動亦靜。五臟克清。夫慾火榮亦忍。辱亦忍。平生不履於危機。

崔鑒

徒有寸丹獻帝闕。竟無尺素達權門。

崔鑒

堂上雙親壽。朝中一品家。

嚴訥

無毀無譽。三代直道而行。知止知足。四時成功者退。

申時行

財不求贏。敢為子孫益。過位嘗隕。分當思盡。齒角難兼。

陸光祚

節義重丘山。始不渝。終不渝。功名赴流水。寵不驚。辱不驚。

嘉靖三十二年沈丘教諭山陰符鵬

世多君子扶皇極。天放閑人養太和。

鄭伸

偶爾謝上天富貴。歸來作平地神仙。

王璣

頭上青天一點浮雲淨。盡庭前白日五更夜氣流行。

訓導楊傳芳子起元

天無私地無私。日月無私。風不出。雨不出。寒暑不出。

沈思孝

得意嘗自笑。無音使誰知。

鄧以讚

凡事再思斯可矣。與人三反何難焉。

都練武安未之辨

泮水樂磯。讀天下書。不談天下之事。康莊擊壤。生聖人世。願為聖人之氓。

朱鴻模

出入起居。得罪天地。時十常八九。子臣弟友。可對聖賢。處百無二三。

吳先生寓梅日乘

見故人而一笑自有餘懽念生平之百為亦無可恨

李庭機

居深山之中隨俗所使生聖明之世與天者游

鄭元標

少作書生未見升堂入室老為廟祝粗知掃地焚香

李替

養其氣以剛大尊所聞而高明

李騰芳

試看階前皆樹玉莫嫌腰下未橫金

天上圖書分冊府雲中雞犬半仙家

王思任

誤改文字身空老起販魚鹽計已遲

陳元素

人前屋漏日裡雞鳴

每思於物有濟恒愧為人所容

陳龍正

自拋官後睡常足不讀書來老更閑

況以

質在能還雅菴成可讀書

先存一府君

鐵牛碑

濟南府儒學內有碑高三尺刻曰鐵牛碑碑旁地露錢錐不五寸就側四掘終如故或曰鐵牛鎮七十二泉者

宋文貞公碑

沙河縣宋文貞公塚碑斷沒土中。正德丁丑。縣令方思道冶鐵二百斤。貫而續之。今存。不甚剝蝕。

毛文龍碑

平遼總兵官佐軍都督同知毛公功德碑。天啟四年七月。朝鮮立奮忠贊謨。立紀明倫靖社功臣輔國榮祿大夫兼議政府左贊成判義禁府知書廷春秋館成均館事。弘文館大提舉藝文館大提舉金養撰通政大夫行曹參議李瀟書。崇政大夫行兵曹判書兼同知成均館事金尚容篆。嘉議大夫平安道觀察使兼兵馬水軍節度使平壤府尹巡察司李尚奇立石。碑文不載銘曰。噫噫往歲。羯虜造口。登我清邊。鯨吞豕突。急莫之遏。全遼石壤。壘土無堅。獮豕搶攘。厥墟腥羶。公時憤切。忠膽激烈。齧牙張拳。獨立一叫。揭義為號。趨者爭先。曷投曷倚。俾賊顧忌。以掣以宰。謂我共濟。克協大計。鷓首東偏。獲醜復鎮。軍聲始振。天討行焉。出入遼瀋。形格勢禁。罔或恣前。恫疑縮頸。不敢西還。關防賴全。瞻彼楸島。洪濤森浩。處得其便。洋津妥帖。履坦不路。就堯如天。激以忠義。其歸如市。累累連連。曰公父母。開口望哺。餘喘其綿。匪公是任。吾其左袒。

長城屹然得人死力功章龍錫褒詔頻宣神旗豹尾以隆闡寄節制其專大業未了概見其效四海望延吾言不失有侍史筆有賁凌烟撫實載石先最其績後貯其傳興安縣岑山右魚峯之仙宕寺有創修木碑係天順七年其聲樸樸如古琴其文斑剝斷連亦如古銅琴文錢塘黃汝亨貞父云目中所未見

定霸城

保定有定霸城宋楊廷朗所築金時以其磚他用獨其土存嘉靖中霖雨潰其西北得人骨數十具植立土中髑髏各戴兜鍪旁侍兵仗石刻云活築惰工百戶徐瑾一行兵後見者竦然

長安客語

軒轅陵

平陽太平縣東三十里上魯村東汾河內有石棺以鐵束之隱現不同世傳為軒轅棺云

顓頊塚

晉初烏程得顓頊塚又衡山崩見顓頊塚中有營丘圖九首鳩杖見顏真卿石柱記濮州東北相傳顓頊建都因有帝塚故名

蘇墓

郟城縣東北七十里羽山。即殛蘇處。有墓。

禹陵

會稽城南數里。禹陵。窆石高可六尺。形如權。堅栗青色而澤。有白脈隱起。甚細。如絲絡。偶撼之則動。而不可拔也。今戊子夏。毀於盜。三千年神蹟。頓失其重。聞者惋惜。

唐堯土階

唐堯土階。故里在臨汾縣城南十里。帝姓伊祁氏。故里名伊村。村築土堡。宛然茅茨土階之蹟。唐堯氏陵在臨汾縣城東七十里。却行里。俗謂之神林。又謂之神陵。高百五十尺。廣二百餘步。旁皆山石。惟此地為平土。深丈餘。山後有河一道。俗呼陶唐飲馬泉。有金泰和二年碑記。相傳唐太宗征遼。曾駐蹕此山。因謁堯陵。遂塑己像。明嘉靖間。知縣趙統重修。陵東原祀丹朱。西祀唐太宗。統撤太宗像。每歲祭丹朱。祔享升堯。諸臣之上。竊嘗考舜巡狩于湘。其陵在九嶷。禹會諸侯于塗山。其陵在會稽。惟堯之巡狩。不見經傳。此陵為堯陵。相傳自古。無疑也。然明初詔下。訪曆代帝王陵墓。山東東平州。有以堯陵聞者。至今載之祀典。而在臨汾反遺。何也。豈昔之搜訪未至耶。

抑詔下之。而臨汾尚屬元耶。關雲覽
臨汾志

堯年十五封唐侯。二十登帝位。壽百十有八歲。帝王世紀云。堯葬濟陽城陽西北。是為穀林。呂氏春秋曰。堯葬穀林。皇甫謐曰。穀林即城陽。堯都平陽。于詩為唐國。由此觀之。城陽即今之平陽也。濟水出王屋山。在平陽東南。今之城陽。晉尚屬平陽郡。雖去平陽郡百餘里。而臨汾東亢村所出有澗泉。至今相傳通濟源。茲言夫豈無據。况濟多穴。地伏流千載而上。陵谷代遷。焉知堯之時。臨汾非源耶。今堯陵在臨汾東南。視王屋山實合古之城陽西北。古曰穀林。而今堯陵俗名為神林。尤一驗也。後人乃謂山東東平州濟水在焉。而遂以堯陵名何耶。

關龍逢塚

安邑東北三里有雙丘。相傳夏大夫關龍逢塚。土人云。關雲長其後裔云。

齊桓公墓

崇德蔡新。令臨淄縣。夢貴人緋服傳騎而至。揖曰。公行去邑。當以東壁遺金。贈公晨起。廨舍東廡地坎。其地嶁嶁中空。如下天狀。掘石版曰。齊桓公墓。規制深廣。石室若王者之居。屍色如生。器具皆黃金。旁金山銀山各一。蔡取其山。燈缸將滅。為漆油加

祭。不三月罷官。崇德縣志。按史記桓公屍蟲出於戶。安得云屍色如生也。其厚葬或有之。

衛靈公墓

相傳衛輝府治後。衛靈公墓。古有紫金碑。雷轟之。又觀城縣東南四十二里。高宛縣東北二十五里。亦有墓。

雙娥堆

蘇州承天寺門外雙娥堆。為吳王夫差愛姬。從孫武子學兵法為隊長。笑而見殺。此其墓也。東北小池。衝不過二丈。長不過五丈。乃錦帆涇故水。偽吳張士誠所浴。

李牧墓

平陽太平縣西五里。孝子村。趙將李牧墓。其子李榮廬于墓側。稱子墓。

陳仲子墓

長清於陵仲子墓。張令文龍。令做孔廟大墓一盃。及棗栗享之。

長清縣志

介林墓

介之推子林墓。曲沃縣南三里河底村。

王剪墓

王剪墓富平東四十里。每六月朔望墓若海市狀。城郭依然。車馬交錯。關中塚墓記

鄭玄墓

臨晉縣口三十里。至今荆棘不生。狐狸不穴。

青塚

荆門州青塚土人哀昭君招魂而葬。因名。實在大同城西北五百里。古豐州灘西六十里。

孫嵩墓

安邱縣南四十里。孫嵩墓。元人于欽作齊乘。寓宿太虛宮。夢趙先生入謁曰。聞君修齊志。僕有良友葬安邱。其人節義高天下。令世所無也。請載之以勵衰俗。欽覺而語梅仲昇。以為鄉人趙伯善。共訪之。伯善愕然。及閱趙岐傳。始悟為孫賓石也。齊乘

嚴子陵墓

尉氏縣東二十里。蔡邕有嚴子陵墓。

司馬遷墓

韓城縣南二十里。芝水之南。西麓有漢太史令司馬子長之墓。墓有古柏。墓土嘗開。土人相根懸其棺。因磚封焉。子長自叙云。五世皆葬高門。今去芝水數里。又西北五里姚莊村。有蘇武墓。墓柏俱南向。

高陵

蘇州盤門外三里。武烈皇帝所葬。孫曰高陵。妻吳夫人。子長沙桓王。策皆附焉。元至正二十三年。崑山盧熊公武與同郡沈徵君伯熙父訪徵君。因言予向曾過此。聞父老言。地屬沙湖。金氏墓上有木如蚪龍。然每陰雨。若見物操舟蕩漾之狀。人或逐之。不見。尋伐樹掘地。得金船。長二尺許。其怪遂息。

黃耳塚

松江府治南七里。普寧尼寺。有晉陸機黃耳塚。機入洛。有快犬為傳家問。後死人。義之埋此。今殿西北隅。有土隆起。古木盤覆。即其處也。明袁海叟詩。秦養有恩終不背。交遊何事獨相欺。

郭璞墓

唐乾符間。衢州刺史季毅置若龍山。得二石。長六尺許。取置文會閣前。宋淳化間。郡

守慎知禮移植于此積土為峯。歲久遂訛傳為郭璞墓。有傳璞言五百年後太守為
吾守墓。紹聖中。郡守孫賁知非璞墓。發之得二石。移置堂中。宣和郡守高至臨。復移
歸故處。相傳峨嵋山正對府治。不利于郡。故置此石以壓之。因培土為峯。而名以小
娥眉云。四藝
街傳

太康瓦券

萬歷元年。會稽李光簡塚地中。掘得杯及瓦券。券曰。大男楊紹從土中公賈塚地一
邱。東極闕澤。西極黃滕。南極山背。北極於湖。直錢四百萬。即日交畢。日月為証。四時
為伍。太康元年九月二十六日對共破剪。民有私約如律令。五茗
堂集按今葬例。買土立
券。古人已然矣。

張賓墓

內邱縣南十三里。趙張賓墓。周圍皆鐵。高三丈餘。廣十餘畝。石勒厚葬以報賓也。

李太白墓

當塗李太白墓。有祠。葦如筆竹。葉皆有金星。

寶峯寺古墓

弘治癸丑春泰和羅鶴子應讀書城南寶峯寺見司禮少監胡善治掘墳寺後山得古墓有墓志僅元和四年數字明白棺槨俱無惟脛骨尚存其長過令人十三古人多長大者後世氣薄故生物短小。

南漢劉氏塚

廣州城東北亭洲有土穴耕人梁臺過之投石空空作聲乃納以雄雞夜鳴知無恙於是發之數金人各重十五六斤正處金像二冕坐若帝后各五六十斤地若金蠶珠貝築之鏡一光照白日硯一硯池玉魚游動他珍異亡筭先攜鏡歸光動隣舍急碎之鄰人覺而往爭遂聞官盡搜盡之內棺掘毀稍存骨齒墓碑隱隱可識南漢劉

氏塚也

陳子壯練要堂集

瀧陵阡

吉安永豐縣有瀧陵阡即歐陽公葬祖父處國朝口間忽失處落廣信永豐縣人怪之後又還吉安永豐縣時有謠曰吉永豐移廣永豐永豐二字適相同人民城郭依然是只少當年六一公

蘇文忠墓

邗縣蘇文忠文定二公墓。文忠卒常州，嘗愛邗之山，移葬此。後文定卒，亦葬焉。明萬歷甲申，有盜發之。縣令濟南張篤行，加封樹焉。去墓半里有廢塚，石半露。按之則文忠之曾孫婦，亦掩之。俄夢文忠遺青衣致謝，問文忠公何在，曰：臨汝。至彼可相見也。後篤行以事至臨汝，會得先生墨跡一卷，大異之。恍悟前夢，石識其事。邗縣志

蘇穎濱先生，子遲，守婺州。愛其山水，因家焉。葬穎濱衣冠於蘭溪之靈洞山。遲子簡，侍郎，簡子林，令其家藏穎濱遺墨及四代告身。

琴操塚

臨安縣玲瓏山琴操塚，殘碣。東坡居士書。萬歷十七年被發。

方臘祖塋

嚴州香山前為獅象石。方臘祖塋處，後毀其石。

鐵棺

秦興縣南華廢寺有鐵棺，長九尺二寸，前後狹，相傳宋建炎間薛慶嘗遣其徒撼之，中有物相觸，鏗然聲，以鐵椎擊數百，不損。鼓鞴浴之不液，乃山。揚州府志

劉刺史墓

義烏縣南東平山有宋平昌刺史劉公墓隆慶戊辰長至日裔孫尚恭重修墓碑抵數尺見墳臺臺上有碑方尺許刻晦翁卜墓數云天聖戊辰葬此邱陰十八紀出公侯子子孫孫垂不替繩繩武武永無休五百四十一年撮十六七歲裔孫脩戊辰戊辰新一石重修重修千百秋秘書郎朱熹書刊石呂祖謙為之記記難具載其要云右數八句為卜劉公之墓天聖六年十月三日卜葬東平山先塋之原公諱豪字有開裔出漢光武封太孫於烏傷國除因家縣治南遂為烏傷人建晉寧公萬章始為王官唐曰珊者翰林學士南門劉氏非他族比公以文學遷平昌刺史致仕曾孫輝燿同登乾道進士第游東萊晦菴二先生門故晦菴卜其祖墓之蔭有裔衍家昌千載之久乎因識大畧而納墳臺上以俟後日之驗云按天聖戊辰至隆慶戊辰年數良是而長至又值戊辰仍孫劉公仕龍在宋贈武節侯修墓孫果十六七歲呼數亦奇矣

義烏縣志

黃元菴墓

山東陽穀縣景德鎮有黃元菴墓其墓靈異土人患瘡毒挿花於墓祭之即愈

中河志

蕉花女墓

長清蕉花女塚女最孝。母疾思麥。時未登。女向麥。泣移時。麥黃。奉母得愈。今塚旁麥先稔。田畔有御製碑。上書孝經。長清縣志

張王墓

福建興化縣。丁溪草堰間。有張王墓。相傳張士誠父。沿海民竈。咸以正月望前聚禱。因而彼此構鬪。勝則一年大利。即至死傷。毋許告訴。近有司嚴禁之。稍戢。

孫一元墓

孫大初墓。上有挂瓢堂。記李夢陽撰。劉麟書。

鄭曉墓

海鹽鄭尚書墓。在甸塍山。先是尚書執法削籍。其葬從庶人禮。隆慶初。復官。贈諡。終不改其舊。予嘗拜墓下。歎先輩素風也。

邵灣古墓

壬辰春。海鹽邵灣山。祝氏宅後有積土。坎之得古墓。各碑刻曰。永安六年。歲在癸未。九月十日。造辟日造。五官郎中山義尉丹陽楊□。碑面俱有雲雷紋。穴頗深廣。左右有羨門。予往訪之。始徵古製。

虛糧塚

新野縣東三里。近衛河邊。亂塚相連數十。傳聞前代屯兵之所。曰虛糧。

器用

研

王官谷西山有秦王研。研大如碾盤。無口。下如六底。磴春秋秦敗晉師於王山谷時所遺者。司馬圖記見呂東野漫野集

潁州東六十里古夷陵也。舊志古列國縣君邱壘。土傳夷陵縣掘地得磚。作研堅澀。

潁州志

俞侍郎士吉奉使得研。上篆永樂二年。旁書海東潛磨。說

古鐘磬

太原交城縣西南汾水上。金大定中。汾東山岸崩。得古墓。有鼎十餘。鐘磬各數十。鼎大者幾三尺。凡十有二。其中實物猶存。鐘小者僅五寸許。大至三尺。凡十有二。蓋音律之次。後世之制以厚薄。而此以大小。其制皆周器。非秦漢以後所作。今器不存。而墓址猶在。

琴

高陵魏氏唐鄭公之後藏有遺琴後訟失之

呂溼野集

禮科公署有書室琴懸壁間係舊物

李樂見聞雜記

正統末籍太監王振玉琴長三尺餘

四明沈嘉則豐對樓詩集云吳仲足攜族子德望所藏銅琴示我為賦銅琴篇口九字蓋予平生耳目所未親也

青銅合禮黃金相軫以白玉排雁行絲彈蜀繭啼鳳凰誰其作者古帝王按圖攷識題大曆賈文雙篆鳴玉方玄宗協律精宮商豈當在御樂且康伊昔抱至置我牀青天拂匣開錦囊白日倏忽相低昂翡翠照爍琉璃光丹砂點漆流星芒纖指觸絃響噹噹蒼梧飛雲頰不揚見者黯黯頽而長延陵考國推太章裔孫寶秘什襲藏明珠大貝俱尋常荒墟對磧經千霜鬼神呵護不敢傷天地不得閔厥良復使人世窺虞唐我欲薦之登明堂九原誰再起師襄夔孔同室國祚昌皇帝萬歲永無疆

仙針

蒼梧縣人梁大用遇異人授以鐵針三枚并針灸書遂為名醫永樂中郡守羅觀訪

其子孫得一針以進於朝

鐵塔鐵鑊

當陽縣玉泉寺鐵塔鐵鑊俱隋物。青州城內□□寺三鑊大者受四十石次受三十石有釜受八石似甕而有耳。寺原王孟嘗君宅。

金斧

臨潼縣南一里驪山綿亘而東五十里東有金斧山石罅中有金斧抵之則動取之不出。

石杯

青田縣五色石杯巧工琢造歲應上官不啻千百民甚苦之古人拔茶樹桑以茶且累民况石杯於器無益有一製必貽一害在司牧者念之耳。

鐘

大名府譙樓鐘云魏太武物守潔則聲宏否則咽滯前守惡之棄置通衢且半裂樂護蒞任適旱祭而懸之扣之不揚護不懌夢大眾誼于鐘所乃再扣之聲宏裂處尋平。

正統中河決滎陽東昌水中大鐘二。范縣令鄭鐸得其一。歎識永安四年。

曹縣城門四各有鐘。相傳鐘懸則大水。遂寘之。崇禎戊辰四月。盧令柱礎不聽。盡懸之。果大水。乃徹。曹縣志

歐陽修歸田錄。太常所用玉樸編鐘。皆不圓而側垂。後胡瑗改鑄編鐘。遂圓其形。而下垂。扣之掩鬱而不揚。今見南京神樂觀編鐘。形不甚圓。

鼓

鄆縣東鄉全尚書志故居。石鼓二。萬歷乙卯。石中如蟲嚙聲。翻視之。石多蝕。搜得石蟹一。螯足尚動。觀者異之。

成化初韓襄毅雍南征大藤峽賊。斬峽之大藤。中空鞞革為鼓。置參府前。聲甚震。立使某移千行臺。扣之無聲。歸卽如故。

圓花鐙

崇禎元年。四月。湖廣通山縣。三都水衝出古銅鐘。重十八斤。周製也。有圓花鐙三字。聲極清遠。

唐鏡

唐鏡背有字云。花發無冬夏。臨臺曉夜明。見鄭以偉山上山稿。

辟塵鑑

錢塘縣西山龍井寺。辟塵石鑑。不知所自來。近失去。

張三丰食器

張三丰嘗居潁州迎祥觀。遺像一。食器一。容斗許。暑貯肉不腐。混元衣一。久而如新。好事者易其領。輒貶冠一。質古有摩雲態。潁州志

天啟改元

魏元法僧口蕭莊南詔晟豐祐先已用之。又太和舊志。元至正戊戌。紅巾徐壽輝陳友諒陷江西。下吉安。泰和稱天啟。則天啟之號前代已四見矣。

銅法馬

萬曆間泰和人掘地得法馬。形如馬。鑿十字。重四斤。天啟三年造。背鐫吉安路郭尚書。子章致梁王琳立永嘉王蕭莊。稱帝改元。時不稱吉安。亦不稱路。路自元始。豈天啟間造法馬。至元始續刻吉安路耶。

貢金

楊升菴滇畧曰語云金生麗水。今麗江其地也。其江曰金沙。源出吐蕃。經鐵橋竇山。永寧北勝以達東川。江澌沙泛。金魁雜之。貧民淘而銀焉。日僅分文。售蜀賈。轉諸四方。其稅屬之土府。漢不得有也。朝廷歲貢滇賦金五千。其直可四分緡。皆蜀賈有力者。先期受直於官。而走四遠。衰入之間。有逃且死者。累及姻族。桁楊累累。至於黔巫瘴癘。十死一生。又不具論也。

雲南銀鑛共六十有三。置場委官。歲約二萬緡。然脉有盛衰。課隨盈縮。

窖金

薊州獨樂寺額。相傳李太白書。萬歷間重修。得窖金。上覆以錢。石刻唐安祿山物。並入官。

銅冶

海內銅山四百六十。唐鑄於陝。宣衡信銅冶九十六。宋鑄於諸路。銅冶百三十有六。歲課至五百四十九萬貫。韶州永通一監。歲造八千萬貫。

紫石英

諸暨縣東五十里。烏帶山產紫石英。嘉靖中。縣令黎秀命父老。凡上官來取者皆引

至他所使無得。因呈曰。合浦之珠。以吏貪而徙。暨產石英。乃自本職到任。數採無得。此不職之效也。採者以息。久之遂迷其處。紹興府志

鐵獅

滄州鐵獅。周世宗北征契丹。駐此地。有罪人善治。輸金鑄獅。鎮城贖罪。高一丈七尺。長一丈六尺。夜被州人搖去尾。腹鐵至今缺之。

銅獅

雲南都司公署前大銅獅二。極瑩淨。無點斑。

關將軍印

景泰中。安州二田夫得古金印。曰壽亭侯印。知州楊集上於朝。南宮集弘治間。都憲河

間張汝器。□□開漕河於揚州。得古印四。一壽亭侯印。一鎮江府御前往劄都統制

印。一鄂州筦內觀察使印。一都巡檢使之印。皆螭螭紐。制作古雅。程篁墩跋過淮陰。

汝器質之。曰韓世忠嘗為鎮江府御前往劄都統制。岳飛嘗為筦內觀察使。都巡檢

使亦宋官。萬曆末。烏程沈相國淮得漢壽亭侯玉印。印中空可貫紐。下刻關羽之印。

玉質蒼古。捨西湖孤山廟中。嘗見之。

宋徽宗崇寧五年。做秦璽。蟲魚篆。作璽。方四寸有奇。蟠紐。方璽上員下方。名鎮國寶。天啟四年。九月四日。磁州東八里臨漳縣務本村。漳河北岸。田夫邢某。見岸崩。得玉璽。以呈河北道張夢鯨。重百二十兩。方各四寸。面厚一寸二分。蟠紐高一寸八分。篆受命于天。既壽永昌。是璽與至元所獻不同。豈徽宗十四璽之一乎。又能辨所獻陝西璽亦同。

木牛

成化二十一年。戶部左侍郎隆慶李衍。總督陝西邊備兼理荒政。發廩賑饑。作木牛。取牛耕之耒耜。易製為五。曰坐犁。曰推犁。曰擡犁。曰抗犁。曰肩犁。可水耕。可山耕。可陸耕。或用二人。多則三人。多者自舉。少者自合。一日可耕三四畝。作木牛圖布之。

遺印

永樂間。應州掘地得金城縣印。應州本漢館陰縣。後改名金城縣。今儒學。舊縣治也。天順七年。□□□得行軍萬戶之印。

成化六年。蘭陽縣得宣差副總兵之印。尚書戶部郎中之印。背鐫天興六年行宮禮部造。

弘治十六年。河南府得銅印三百於壞垣。俱元物。詔毀之。

正德末。銅城府得勒金長官司印。篆文八畫。

嘉靖二十年。廣平府推官王堯曰。督民於清河縣浚城濠。得古印六。篆可識者二。白都將領印。曰達魯花赤之印。上之巡撫。藏於庫。

隆慶三年。六月。豐潤縣掘得玉田縣稅課使印。

萬曆二十八年。隆慶州永寧縣人築墻。得古印。為金左丞完顏綱物。綱與元人戰於縉山。敗績失之。見金史。

崇禎甲戌。南昌得統軍元帥之印。謂太祖物。推官李嗣宗以太祖初稱統軍右副元帥。見皇明通紀。非也。予按龍鳳口年。丙申三月。我克集慶。徐達湯和為統軍元帥。二公並至南昌。必其所遺。

戊寅。三月十四日。滋陽縣浚井。得管軍萬戶府銅印。旁鐫中書禮部造。

龍鳳五年六月。又薊州得古印。

已卯。十一月甲戌。固安縣甃井。得鎮遠軍節度使銅印。背刻宣和四年十一月少府監鑄。

藤船

南夷船俱縛以藤用松膠和漆塗之永安州歲辦松膠若干

張岳交事紀聞

空青

空青是黃石子大如拳諦視之膚裡沉沉有青色匠氏以金剛錐錐之滴翠水如漿平湖沈長水太史見之

荒銀

南夷中多用荒銀

琥珀

萬曆甲午詔雲南布政司取琥珀二百斤一時騷然永昌府帑舊貯二十餘斤以上供搜括數年竟不能充而止民破家亡算

祖母綠

孕婦吞祖母綠易產仍出自兒手山陰白洋氏驗之

青鳳子

青鳳子狀如鵝石色甚青瑩婦人佩之能令好顏色新安楊不棄得之水濱中易以

千金內為禁中寶重

蓬萊閣石鏡

登州蓬萊閣石鏡。遇形畢照。崇禎壬申。孔有德兵亂。經火稍晦。近聞復明。

緬鈴

緬鈴相傳鵬精也。鵬性淫毒。一出諸牝悉避去。遇蠻婦輒啄而求合。土人束草人絳衣簪花其上。鵬嚙之不置。精溢其上。抹之裏以重金。大僅如莖。嵌之於勢。以御婦人。得氣愈動。然夷不外售。夷取之始得。滇人偽者以作蒺藜形。裏而搖之亦躍。但彼不搖自鳴耳。滇程記

棗林雜俎中集

榮植

明鹽官談遷孺木著

古木

通都交區。巨材連枿。匠石積斲。其下十不壽一。谿谷昧深。壘坻阨木。雖專其年。民無得而稱焉。亦未始幸也。令採之佳牒。據其見存者。或病以漏萬。固所不免矣。

北京

京師皇城内。西苑之高玄殿。古檜一。松四。並金時植。嘉靖中。封松指揮使。其俸米專飯孤寡。

皇城西。顯靈宮之靈官祠。古柏二。雷披一。枝折而不殊。二百年葱蔥焉。國子監古松。並元許衡植。

京師外城。天壇拗榆。錢。凡榆春錢。天壇榆之錢。以秋。

山川壇。偃松。以風拔。橫枝距地。不三尺。楷以木。人通行其下。

內城成國公朱氏園。右堂古槐。云四五百年物。身大于屋半間。頂嵯峨若山。極樂寺。

別牙松數株。斑剝若鱗。大可七八圍。

萬壽寺松高數丈。大合抱。

外城大慈仁寺報國寺。銜松二。其右尤奇。幹數尺。株橫數丈。

外城左安門外韋公寺。西府海棠二樹。高二尋。游人最盛。寺南觀音閣。蘋婆一。枝高五六丈。花時鮮冶。

京城西北十里靈通觀。古柏一。徑大十圍。

京城外二十里承恩寺。戒壇松二。古穆天矯。過報國寺。

大功德寺。古木數十章。平朽腐。大可七八圍。

石經山石壁。古柏一。丈尺有咫。根無寸土。萬歷初。上過之。御書靈根。古柏。盧師山。

清涼寺。隋仁壽中。盧師自江南來。居崖下。崖上一柏。產石面。長尺不凋。榮是盧手植。

西山妙高峯下。法雲寺銀杏二。大數十圍。

香山鮑家寺。有松十株。皆數百圍。

壽安山卧佛寺。古娑羅樹二。根盡出。纒纒露筋。合抱。三人有餘。

仰山隆恩寺。松一。

潭柘山。京城西北八十里。潭柘寺。諺曰：先有潭柘，後有幽州。則潭柘最古矣。今枯柘長不能大，其枝晚發，後凋者也。柘枯而不朽。

昌平州天壽山古柏，相傳竇禹鈞家物。樹中枿可布三四席。今稱竇家槐。按禹鈞周之諫議大夫也。故居在薊州城東，而此槐係之竇氏莊，或其餘裔耶。

薊州西北盤山東崖古松一。

平谷城東延祥觀栢，不知所自始。元至正丁亥，真人丘長春至盤山，過觀中，見枯栢曰：憐惜憐惜。去後，栢仍葉茂。至今，爲觀東北十五里。漁子山，世傳軒轅氏陵，或曰軒轅臺。

房山縣北馬鞍山，松二，其枝覆十餘丈。

涿州西南十五里樓桑村，漢昭烈帝故居。道右大桑，高十丈，層蔭如樓，其蔭百畝。其椹爲珍饈，桑側古廟，唐乾寧五年立。並列關羽、張飛像。先主王者服，張飛亦涿人。城西五里有張氏洗馬潭，樓桑村南三里，酈亭，酈道元故居也。靈椿寺楫，其影每日中天，雖日月東西，畧不移動。

文安縣城東靈集寺後古檜並峙，云漢人所植。

保定縣柏塘有古柏數圍。倒植河中如橋。旅渡迄今。名柏木橋。
任邱縣北三十五里。莫州城又東北三里。扁鵲墓有古樹數株。

寧津縣北三十里。曹氏莊。藥王廟前。大麻子樹。不知植於何時。嘉靖七年。居民伐樹。掘地下。得石刻云。迤南大麻子下。斬廉剛剛。廉頗子也。樹自戰國時已有之矣。

行唐縣西北三十五里。柏山。古柏大數十圍。柏上鐵環。相傳竇建德椽以繫馬者。
鷄澤縣儒學一槐。有兩枝。末合為一幹。或以為連理。

清河縣龍王廟。左右古槐。枝幹曲卷。下垂至地。若龍爪狀。人謂之龍爪樹。宋太祖嘗避暑其下。解衣覆上。其性遂下生。有惡少輩。利其財而伐之。斧斤方加。而疾作。遂止。傷痕赤津。津林後漸生根葉。繼生成樹。無復龍形矣。今堂與樹尚存。

開州□□古桑。圍可十丈。云三代物。

陽和衛有武宗手植桃。

遼東廣寧衛醫巫閭山。有北鎮廟。柏甚古。

萬全都指揮使司龍門衛城西十里。大松山。有古松。永樂中。駐蹕其下。

皇城西華門外。舊丞相府。有五穀樹一株。兼五種。為五穀豐歉之徵。其年麥熟則樹發。麥茅黍熟則生黍葉。五穀皆然。

魏國公徐氏西園。括子松。元時物。

永慶寺。即鐵塔寺。古梅。唐時物。

鍾山西。徐達墓有松一。旁結大毬如瓜。最奇絕。

石灰山。百法寺。法堂前有奇樹。

弘濟寺。府東北四十五里。娑羅樹二。永樂中。太監鄭和攜自海外。

牛首山弘覺寺。文杏一。唐懶融大師手植。圍可二丈。經火猶活。山東北。鄭太監墓紅豆樹。

祈澤山。祈澤寺。攝山樓霞寺。各文杏二。六朝時物。俱數人合抱。

溧水縣東南三十三里。仙杏山。其巔有杏林及仙人跡。

句容縣茅山。有許旌陽手植檜。

蘇州閶門外。三里。半塘寺。銀杏大五抱。新安潘之恒曰龍樹。

陽山晉柏一。幹如龍鱗。大四圍。

光福山山茶一。圍可六尺。

銅井山。顧氏園寶珠山茶一。可合抱。司使廟古柏二。又口口文杏。口其一圍三人。

洞庭山角菴山茶一。蔭畝餘。四季秀發。云角里先生手植。又黃家堡古桂。

常熟縣虞山致道觀七星檜。梁天監中張道裕道裕十代孫手植今存其三。其雷震風劈者。

尤詭異。餘皆後人補植。

華亭縣北二十五里。余山。五代朱承進墓。有垂絲柏一株甚巨。

華亭縣口北禪寺。宋時回先生過之。手植樟於雲臺。去後數年。樟斃。回復造焉。問樟公何在。取瓢中藥丸一。塵根下。樟復榮。葉俱顯瓢痕。始悟呂仙也。

亭林鎮縣東南三十五里。陳侍郎顧野王故居。墨池旁古松。云野王手植。

鍾賈山壽安寺。陳氏墓。垂絲檜二。徑餘四尺。崇鬱壯茂。蓋數百年物。

上海縣西北十里。靜安寺。陳朝植雙檜於殿前。宋政和間。媚臣朱勳圖以進。徽宗欲

攜之。暴風雷。忽碎其一。今殿右尚存。元成廷珪詩。香骨自來生左紐。苦心未忍棄前朝。

明心寺。縣西南六十里。古檜二。宋元豐間植。

江陰縣西三十里。申浦。季扎墓有巨樹。三人合抱。產果曰鷄距子。以形似名也。止此。

一本又揚州□□寺一本餘天下所無。

宜興縣保安寺垂柏連數抱而中剖。

玉女潭縣南三十五里張公洞西南三里古樺一株根柯鬱蟠。礪礪如石。唐獨孤及詩。日日思瓊指

此。

善卷寺縣西南五十里古檜蕭梁物。

鎮江府西南七里招隱山招隱寺。銀杏樹圍五人。云齊梁物。

丹陽東北三十五里經山寺。銀杏圍七人。相傳晉時植。半枯半堅。遺子所生。小株從中挺出。亦已盈斗。

揚州府城隍廟。銀杏一。當門圍四尺。

興化縣本塔寺。黃梅初治殿。賈人以木筏載梅植殿旁。胡僧坐其下。忽不見。殿前梅日盛。偶一占年。東盛則上河豐。西盛則下河豐。俱盛俱禿。亦各驗。雀啄則有蟲鼠之耗。

通州治西為靜海廢縣之遺趾。有文杏數章。大可四圍。

淮安海州大海中大松相傳三代時物。其狀奇異。

休寧縣西四十里。白嶽山宜宮。古松一。直香爐峯。又石門一楠。其大數圍。
寧國縣廣教寺柏。黃藥禪師所植。寺有異行僧。樹即開異花數色。

銅陵縣五松山。舊有松一本五枝。蒼鱗老幹。

蕪湖縣儒學柏。宋寧宗時植。

滁州瑯琊山。

城南十里

歐陽文忠祠西。一梅云文忠手植。又瑯琊寺。

舊開花寺

銀杏大數十圍。

高十大。豐山滁州城西南五里。太僕寺公署雙柏。大十圍。高數丈。

全椒縣西北四十八里。龍檜山。有檜如龍形。因名之。

蕭縣東南六十五里。天門寺。有天棗。花實如酸棗。可食。每四月七日。其實皆熟。次日

遂空。

山西

太原縣西北晉原神廟。有古柏。桑皮黛綠。云千年物。

代州城西四十里。斷影樹。漢文帝當迎立時。猶豫不決。遂日游移。卧於樹下。日過樹影不移。今樹已朽。而其地建白楊廟。即此樹也。

夏縣城南二十里。柏塔山。古柏千株。有一柏琦瑰。磊獨大于眾。稱曰柏母。口如意里。

戒定寺古柏一。其身五圍。根盤八圍。上九枝。俱似龍形。中空處生一槐。大兩圍。枝屈曲如蛇。盤旋於柏枝九龍之上。

五臺縣五臺山之圓通寺。去三珠泉百步。有七寶珠樹。高二丈許。幹上七枝。復合為一。垂葉四下。

代州東北五十里。墓側有古柏五十餘株。名郅都柏。

趙城縣東八里。媯皇陵。在侯村。松柏圍二丈餘者百餘株。媯皇廟前古柏。喬偉。內一株于幹上寄生一木。大如臂。俗呼為時節樹。柏貫四時。彼獨隨時發謝。觀者奇之。猗氏縣城東北二里。仁壽寺。大柏四株。都御史河東序扁曰。萬古凌霜。

稷山縣東北十五里。高渠村。古柏一。大七圍。陰畝許。有力者每欲取之。輒有龍蛇雷雨之變。

蒲州東南三十里。首陽山。伯夷叔齊墓。古柏二。其一大二十圍。高二丈餘。次殺三之。幹上交相傍倚。

聞喜縣。儒學相傳為商桐宮地。古柏十數株。其大連抱。其枝扶疎。多變。其葉細而稠。大異凡柏。

霍州東南三十里。霍山中鎮神廟。古松數株。高數丈。枝東向。槎枒詭怪。如青幢鐵幹。沁水縣東九十里。磻山大雲寺。白松三圍二丈。明評事常倫題壁。宿此非一夕。遊此非一朝。山僧頗解狂夫趣。時儲斗酒來相招。殿前長松十圍大。我欲絕粒棲雲巢。此詩不見集中。

大同左衛玄帝宮老榆盤鼎日。蒸日茂根無所繫。挺生于大鐵爐之上。相傳為神榆。汾州府治西。仙槐樹久朽如郵舟。金皇統中。有異人出貨藥投樹。復活。因號仙槐。大同渾源州恒山之紫芝峪。古榆數千章。其最大者。名雙離樹。相傳張果老所樹榆也。

蔚州北三十里。蜚狐口。兩山分張。皆北向。石總無膚。有青松高不數尺。產其骨。

應州城南小石寺。古龍松。合抱平頂。色極蒼翠。相傳異僧手植。蓋唐宋時物。

又城東南文殊寺。有古松。霜皮蒼翠。枝幹如龍。

嵐縣北四十里。雙松山。上有雙松。□平定州西二十五里。上有古松。松下巨石。盤踞數丈。

靈石縣東三十五里。綿山。介子推與母隱此。文公縱火焚之。不出。同母抱樹而死。其

樹名黃節。惟此山獨有。大小俱半榮半枯。後人即其地立廟祀之。天旱禱雨多應。宋神宗封為潔惠侯。近林人家清明節三日不敢舉火。廟中有牡丹數本。枝幹碩大。不知何時所種。每開時花皆紅色。惟白花一朵。開無定處。土人密識其枝。明歲即易他本人以為神。不敢輕折。春時花開。四方觀者不遠數百里。

山東

長清縣東南九十里。方山靈岩寺古柏。漢時物。三人圍之不盡。

泰安州北五里。泰山御帳坪北。一松奇詭。元方煥題曰口處士松。宋真宗駐蹕亭。松二。秦始皇避風雨其下。封五大夫者也。生石隙中。不甚大。幹膚龍鱗。是千年上物。東嶽廟。文杏一。圍三人。中空。木枯。枝葉蔽葦。廟左漢柏五。漢武帝時植。四皆連理。其一甚巨。口延禧觀唐槐一。大如文杏。亦中空半枯。

新泰縣門內靈槐。元省縣入萊蕪而枯。後三十年復甦。槐榮。

曲阜縣西北八里。孔子墓。孔子手植檜。在廟門北。高五丈餘。圍大有三尺。晉懷帝元嘉三年枯。歷三百九年。隋恭帝義寧元年復榮。歷五十一年。唐高宗乾封二年又枯。歷三百七十四年。至宋仁宗康定元年復榮。金宣宗貞祐二年。兵火漸盡。歷八十二

年元世祖至元三年芽於東廡頽址間。明洪武二年己巳凡九十二年高三丈餘。圍四尺弘治己未被焚。今直幹含生不朽不摧。子貢手植楷高四丈五尺圍一丈。今枯株。塋中樹千數皆異種。相傳弟子異國人各持其方樹來種之。不生荆棘。東二十里防山顏子鑿石楠二大可三四十圍。每家子生樹生一椽。冢子沒樹枯一幹。鄒縣東南二十五里嶧山孤桐夏禹時物久枯。萬歷戊子其左生株王思仕過之尚。口其丰。崇禎丁丑詹鍾玉過之無存。或以桐茅數十簣之。縣門外孟子廟古檜三。高數丈徑十餘圍。枝盤曲如龍。

曹縣定清寺有枯桐一。僧伐之止存朽根。萬歷辛卯有道人手持木尺禮佛跌坐根上。曰此樹由我而生。索水噴水僧不顧也。夜半道人歌曰木有根兮根無枝。人有眼兮眼無珠。我來枯樹活。我去人不識。人不識真可惜。上天下地游北極。翻身跨起雲間鶴。朗吟飛過蓬萊側。明旦起。失道人所在。越三日發萌。逾月枝葉扶疏。圍大五六尺許。遂成茂樹。

陽穀縣西北四十里孟母廟大槐四。宋元祐時植。

恩縣西北五十里四女祠。漢歷亭傅清家富無子。生女四。誓終養。同植一槐。今槐存。

不甚大或後補植

臨淄縣西北二十里郵亭古槐十株高五尺許相傳宋太祖微時過此嘗掛袍其上
曰矮槐

黃縣東南二十里萊山寺西北有古柏唐初物

棲霞縣濱都觀枯松柏相傳每百年長一枝

即墨縣東南六十里勞山上清宮文杏二凸處可隱二人

河南

鄆陵縣西十五里甘羅墓七棗環植皆合抱

延津縣□□石婆東唐尉遲敬德造東嶽廟殿後酸棗樹一株合抱高數丈歲久
不禁挺然特立旁產一株甚茂云敬德繫馬掛策其上按延津古酸棗縣也宋時改
延津家宰李載有記

密縣東五里天寶宮白松世傳黃帝三女九歲俱辭家學道後十七年歸省一夕同

逝令葬於此明年塚上生松一株三幹幹白如雪大四十圍高八九丈膚理瑩澤指

丈隨起或曰民間女學道不成人仙去葬白松下□縣東北二十里修德觀古檜數

白松十之一。假蓋左紐銅文。

密縣志

新鄭縣陘山鄭子產祠前古柏一。陳根之上。多生稚葉。青青可愛。

滎陽縣東七里槐一。奇甚。世傳漢高祖為王時。繫馬於此。金趙東文詩。滎陽縣東千古槐。人言曾見漢朝來。不知幾覺南柯夢。直到如今喚不回。

襄城縣南五里首山西巔有樹一株。名金花樹。俗呼蓋樹。大可十圍。枝葉穠蔚。數十里外。可望及之。崇禎庚辰枯死。或以此樹闕一縣之盛衰。戊子於舊根旁復生二株。又縣北二十里徐君墓有樹。相傳季子掛劍處。曰靈樹。

林縣城隍廟銀杏樹。圍二丈。高七丈。老幹扶疎。翠葉蒙密。縣西二十里婆羅樹。其陰及畝。今樹毀跡存。□西寶岩黃華寺古槐。陰數畝。□覺仁院獅子宰。其下漏天岩。有異木折幹倒植。野人曰。交加木。□爭秀峯西慈明院偃松二。磁州黃花谷內仙母塚大樹。加後漢仙人王津母葬於此。

輝縣西北七里蘇州山百泉書院白古楊十四株。大可蔽牛。殆數百年物。

縣東二里道旁連理樹。兩椿同根。一雄一雌。下有雙塚。微露其碑。未知葬者何人。西北七十里侯趙川之平羅社為蘭相如墓。有古銀杏樹一株。

濟源縣西八十里。王屋山北。天門古松十數。

偃師縣達磨菴三花樹。以凌霄藤附檜而生。□六祖手植柏。

方丈寺古槐高十九圍。三丈。宋文彥博詩。五品封槐。今尚存。第未知封何日也。□縣西北比干墓。有木大三圍。中空。身根半存。上枝茂盛。剖心視之。生氣猶在。

登封縣北十里。嵩山中嶽神廟。門內古柏。殆二百。□絕頂止三丈。圍六人。石刻漢武帝封大將軍。次圍可四人。封次將軍。又次可三圍。俱怪偉。明喬宇曰。意天下之木。殆未有甲於二木者。袁宏道曰。漢武至今十七百年。柏在當時已受封。殆殷周間耶。新安縣西二十里。王喬洞。石皆土所成。具木葉之形。洞上二石。化石而復生。枝葉與凡木類。云昔仙人。大丹成。土木皆化為石。

知縣城北十里溝。古姚期莊也。山上一黃棟。係手植。千餘年。柯葉茂盛。人損之。輒則傷畜。重則傷人。

新野縣北二十里。張門村。黑麓廟前。有古楊數株。俱大數圍。採青者。伐樹血出。遂止。跡存。

華山華陰神廟。門內老柏。合抱。無枝葉。亦無膚。僅枯幹二丈餘。吉水李日宣勒石曰。

青牛老樹。謂老子西來繫牛處也。又北三大許。老柏空腹。有鳥啣槐實墮其中。生槐幹且合抱。而柏朽裂半存。嘉靖間州守某以鐵索合槐柏束之。相傳張飛立馬看槐處。見於壁刻。

陝西

藍屋縣終南山。老子紫雲樓下。繫牛柏。柏下石牛卧焉。又南四五里說經臺。古柏一俗說樹死。老子針之活。

咸陽縣北十五里。周公墓。模木。其葉春青夏赤秋白冬黑。

鄠縣南八里淨土樹。俗傳西域鳩摩羅什憇此。履其履土中出。其樹三月開如桃花。八月結實。狀如小囊。殼中皆黃土。

華州南少華山。蒼雲窟。古松五號五將軍。今四株圍數人。高數丈。

成縣東柯谷。唐杜甫姪佐居此。所居後為寺。有樹稱子美樹。

涇州王母廟有古木數株。不膚而滑。莫知其名。

空洞山。中峯寺北半里。古松六。

靈臺縣至定寺。左離山。唐牛僧孺別墅。有銀杏。連抱數圍。根結二畝。

鄜州北開元寺有白松奇古明張著詩葉墜銀釵細花飛香粉乾山門煙雨裊渾作玉龍看

安定縣南六十里神木山古樹千株樵採不敢入人以為神又縣七十里高柏山有古柏

中部縣北黃帝橋陵多古木

神木縣西十五里楊家城內神松二

涼州衛東三百十里松山上多古松

莊浪衛東百二十里大松山山多大松又東百里小松山

浙江

錢塘縣西山上天竺寺長生僧舍梅二並合抱西溪永興寺大綠萼梅二

海寧縣東北四十里洛塘古廟銀杏一圍三人唐許遠手植華而不實枝向西北

臨安縣西五十里天目山斷崖塔院大杉一又華蓋松高七丈中峯大師悟道處

西南中峯塔院大杉一本二幹化城寺側一松根在崖下頂高走路僅二尺許俯視

如薙陰可三畝牧童戲其上不動口觀音崖檀樹長丈餘懸崖外歷三十年不加長

下履小觀音座。僧云禱雨輒應。

餘杭縣西南十八里。大滌山洞霄宮。大杉二。相傳唐昭宗景福二年。閭丘先生以盃攜自天臺者。圍二丈。高三十餘丈。葉雖凋減。枝益堅。□徑山寺門古松。□可蔭十畝。又木蘭一。並奇古。

於潛縣南四十里。牧嶺古松。盤錯奇怪。有兄弟各欲訟於有司。夜憩其下。質明相顧而悔。各息。因名木長官。

昌化縣西北六十里。千頃山。龍湫。西一娑羅樹。初夏花開。香聞數里。

嘉興縣東三十六里。圓通寺。銀杏二。唐時物。

海鹽縣城南永祚寺。銀杏二。數百年矣。天將雨。輒出雲。雨霽雲復歸。又歸安縣東震澤普濟寺。古柏。數千年物。能為神。

長興縣東南大雄寺。陳高祖故宅也。梁天監中。手植檜。今中裂為四。枝垂蔭半庭。堅如金石。□鐵佛寺。有六朝銀杏樹。

湖州天聖寺。六檜。云齊梁物。

海鹽縣西南十八里。秦駐山。廟前飄松一。斬而復生。不由栽種。董穀碧里雜存

德清縣西南天寶橋西左顧亭孔愉放龜處二大枯木可千年挺立不朽。

吉安州鳳亭鄉岳武穆將壇一像樹大數圍莫敢犯。

紹興府天衣寺有舞松一株相傳為晉人手植。

高橋□□□□有古樹一本五大幹倒卧橋側。

項里□□□□項羽所避處有廟古樹圍二人。

秦望山府城東南四十里古松一。

雲門山寺城南三十里盤古社木大數圍晉唐間物。

曹娥江府城東南七十里曹娥廟古檜二又山茶樹千年外止如拱把之半根奇峯折取一

花者其手自懸於樹因勒石示戒。

餘姚縣□九里宋石將軍廟樟樹可數抱□岳林寺古柏□□□□縣南二十里桃

花嶺下有大桃樹約數圍。

新昌縣南南明山月峽古松唐人植。

天臺縣桑州驛古檜圍十人□天臺山萬壽寺古杉十二各百圍相傳羅漢所植□

羅漢嶺古檜十餘大數圍□歇脚寺牡丹二本高大許每放五百餘花華頂峯石罅

有木瓜花時一蛇盤其上。至落寶供大士乃去。號為護聖。口資福寺。怪松大數圍。高不過四五尺。枝葉翔舞於水面。舞狀類鳳。根盤類龍。萬曆癸巳年。推于溪水。口天臺山。菩提樹。相傳西天梵修遺種。花葉如柿。結子為珠。十百中。必一二顆如羅漢佛頭。云他處所無也。口楓樹嶺。上古楓高二十餘丈。大可數十圍。其中空。可容數百人。永嘉縣象浦驛古樟。圍十人。石羊山穴中。枯木狀如石羊。色如黛。楮。平陽縣西南。崑山絕頂。二古木。冬夏常青。

建德縣橘山。相傳絕頂有羅浮橘一株。熟時風墜。得者云。仙山橘。

桐廬縣東五十里。嚴陵釣臺崖上。香木一株。高大餘圍。三寸許。歲長一寸。太監黃敬採買江浙。一日欲犯之。不能得。

蘭谿縣。口口口古柏。明太祖嘗駐師其下。口黃湓大溪古檀。其大合抱。高十數丈。歲春夏。溪漲始發葉。如漲後不葉。必復大水。

真覺寺。智者大師塔上松。不下數百年。偃蹇如虬龍。

東陽縣南六十里。淮岩山。道旁有岩。可容數十人。旁有連理木。其大百拱。

浦江縣東明山之梅花泉。有老梅如龍。橫蹲泉上。

開化縣□□□銀杏一。其實從幹上墮腫處剖出。云胎生銀杏。取其旁幹。接他本。仍實於枝。

麗水縣南十里。白雲山。麗陽廟。古樟。靈根千年。不榮不槁。柯萌時出殿外。雲和縣大杉。嘗絙圍之。合十九丈。徑六丈四尺。遠望百里外。

江西

南昌府孚應廟。古槐。唐崔隱士手植。□翌聖觀二松。相去五尺。合為一幹。名為義松。西山咸通寺。古娑羅樹。其下貯樓三楹。曰枯木樓。□許旌陽手植桂。

建昌縣北五里。冷水觀。壽松一名挂劍松。相傳許遜掛劍於此。甚怪。宋寶慶初。知縣曹應亭其側。曰千歲靈根。□縣治南。壽樟。初邑人李左司公懋。仕於朝。宋高宗嘗問樟公安否。對曰。枝葉婆娑。四時常青。項安世作壽樟亭記。

鉛山縣北十里。鵝湖山。唐義公道場。手植羅漢松。

九江府城南二十五里。廬山白鶴觀。大松。徑大餘。□山西大林寺。寶樹二。一如蓋。一如塔。莖葉異常。

德安縣崑崙山。元陽觀。牡丹。根枝連抱。云玉仙所遺。

彭澤縣南陶狄二賢祠。有山茶。大盈抱。二月三日祭時。花特盛。好事者分種之。竟無一活。□縣南四十里仲芳湖上。狄梁公廟。有柏八株。不膚。相傳公被誣。減死貶彭澤。令囚三人。值除夕。許還家。五日就獄。其踰期者。一喪母。一風阻。事聞。天后異而釋囚。囚率男女五百人。祠之。柏八章。相傳因劈餘枝所生。

建昌府城西南十里麻姑山。殿後七星杉。圍二三丈。高切雲漢。橫列七株。故名。撫州府城東北清遠鎮。禪居東山。有壽樟一幹。圍三尋。

清江縣署古松五

安福縣東三十里福聖院。唐仙女吳彩鸞來遊。手植二樹。曰羅漢柏。歲花。□實。□縣西百里神楓。形如神面目。歲旱。封以泥。則雨。

高安縣署有偃松。□城西南四十五里。集仙觀古柏三。許真君避手植。有丹井。

萍鄉縣檀樹五。客以六十緡貨之。將伐。一夕生龍鱗。遂輟。□縣治南寶積寺。羅漢松。黃山谷手植。

萬載縣。□六里慈化寺。普菴道場也。倒栽松。圍可三人。根皆在上。枝幹下垂。枯枝如鐵。風霜不摧。青翠欲滴。

墨潭下陂有六樹同根各四五圍離立可置二席。

湖廣

武昌城西黃鶴山仙棗亭多棗有一樹半榮半枯云古仙所植

漢陽城東北大別山太平興國寺有柏俗傳禹治水時所植其根盤曲直至柏泉寺井下因名今柏根尚存

襄陽城南七里岷山有晉柏其柯幹如鐵石

均州南百二十里太嶽太和山古杉大十圍者至成林。柳梅相傳真武神折梅枝寄柳樹上仰天誓曰吾道若成花開果實竟如其言今樹存。

華容縣觀音寺玉蘭樹高一丈餘遠如玉山。

荊門州靈鷲山祖師洞深數里有樹數株葉如冬青實如红柿可愛名曰仙果觀音崖娑羅樹大二十餘尺。太陽山寺娑羅樹。東嶽觀銀杏二大可數抱嘉靖三十五年伐其一。

巴東縣署萊公柏寇準為令時手植三株

岳州西南洞庭湖君山上崇勝寺古銀杏大可數圍腹中半焦僧云此秦始皇火樹

衡山縣西二里靖居岩有羅漢果樹。口西三十里衡山絕頂有千年松。鄧縣康樂鄉神農氏陵有二杉一檉一柘大數十圍高不能測根節如鐵石乃異人所植莫敢剪伐。又龍爪樟亦大數十圍。

武陵縣德山寺古桂二各十數圍。

寧遠縣南六十里九疑山舜廟北煉丹觀蕭韶杞林兩峯間有松穿石白而生枝柯拳曲如伏龍狀。又沙樹十二其大七八圍次五圍縣官嘗鋸其小者大風雷死三人。沔陽城北紫陽觀有三色檜宋徽宗嘗賜金牌曰圓通神靈老柏張來詩亭亭古柏不知年天寶以前耆舊傳。

郴州城北彬江口曹王寨山其巔有石若鼎在大石罅中歲久石合兩耳出石外有柏樹生貫石耳中。

桂東縣東五十里萬玉城內富桃李就啖之味甚甘而不可攜或私藏之必失歸路。

四川

四川布政司公署故漢先主遺宮柏二百本堂前古桂一圍四人花時日掃數斛成都城內西南江瀆廟有六樹傳自隋唐高十餘丈圍約三四尋挺直如矢無他柯幹。

巖上生枝葉若棕櫚狀。膚龍鱗而葉鳳尾。實大於棗。歲仲冬有司祭而始採。諸葛武侯廟古柏圍四尺。唐末漸枯。不敢伐。宋乾德五年丁卯五月枯柯復榮。

灌縣西北二十六里。灌口山有古樹圍八九丈。上有寄生木亦大數圍。云秦物。土人稱紫柏。口縣西南五十里。青城山天師粟似栗而小。獨房。可治風癩。相傳道陵手植七十株。在上清宮。牡丹高十丈。歲周一甲始花。

彭縣玄妙觀桂二。四時清陰。覆地十餘丈。西浦國寧觀大楠木。蔭車數百。仙人蓬君手植。

羅江縣吳氏塋有柏圍數十尺。中空外曲。若蒼龍狀。枯而復榮。

蒼溪縣東南二十五里。雲臺山有大柏。中空可坐數人。亭其側曰魁柏。

劍州西八十五里。延福寺有巨木。一雙羊。色白。時來其下。近則香。

廣元縣北張道陵祠有伏鬼井。道陵植杖井旁。今為喬木。

梓潼縣北十五里。七曲山文昌祠二晉柏。大幾三抱。

富順縣甘氏園木黃葛。依石而生。方條忽拱。

永州縣有松化為石。今尚有斷節及根。

銅梁縣南五十三里巴嶽山木連樹高五六丈葉如梗楠花如菖蒲出山則不植
重慶城東北二百八十里溪上有古木盤屈如交龍曰交龍

涪州荔枝灘荔枝十八株猶唐所進楊妃者今存其三圍可四人

夔州府治東白帝城之西有木如桂高三丈相傳公孫述樓柱斫之出血枯而不朽
眉州治西南三蘇祠古榆一相傳蘇老泉故居所手植至榮茂 文廟紫荆二宋時

植

嘉定州治東九頂山兌說峯下大楠三株其麓清音亭異柏四曰葉細如剪曰膚反
如片曰垂絲如柳曰蠟刺如毛又洗墨池松四偃蓋如車輪又海棠有香其本合抱
我眉縣楠木坪石楠文杏各大數圍高十丈餘又山半有老僧樹初枯而中空有僧
坐化其內樹復活

大邑縣西八十里鳳凰山有紫柏十圍根盤巨石上號騎鯨柏

邛州有變色木芙蓉花先白次練次緋次紫文宮花園有之

合江縣南五里山上有天符葉如荔枝長而有紋如蟲蝕篆不知何木或以為劉真人仙蹟

納溪縣楠木洞。二楠大不盈數寸。高丈餘。葉亦扶疎。雖千年如弱植。

江安縣三清觀松。二。高十數丈。

黎州安撫司廳東梨一。高九丈。圍九人。州人取其枝以接菓。相傳唐僧三藏游西域經此。植梨杖處云。他日州治在此。果如之。□城東十里龍池祠內。枯槎三株如龍形。觸之則風雨暴至。

福建

福建布政司後堂有大樹。合抱。榕樟纏生。鬱然干雲。曰嘉樹堂。

福州壹江在海上。多烈風。而白崖之上。有榕一株。翠蓋亭亭。榕葉槐身。經年無鳥跡。雖風作不脫其葉。三年結子如紅葢。曰仙榕。

閩縣東十里東山之松塢。有松。宋初物。錢昱題松身曰。景致福神仙。心幽道亦玄。僧闌出來世。松老不知年。

侯官縣鷄籠山西為鳳岡。並種荔枝。大者十圍。高三十丈。皆閩王王審知所植。□城北百八十里。雪峯山巔。月池旁。有古杉。閩王王審知與雪峯大師。手植皆數十圍。又雪峯道場有朽樹。藏樓三楹。曰枯木樓。

羅源縣山路旁石岩下覆古樹。虬枝蒼蔚。其上石刻蘇舜元才翁所賞樹名。

永福縣東北口口里方廣岩。徐君壤古杉。高與岩齊。仙人福州徐登。東陽趙君炳。競街。君炳倒植花林莊。登埋棋子田中。涌土成塾。植牛杖其旁。旋生枝葉。今老樹尚在。晉江縣城北雪山。宋時泉州治在其麓。宋韓國華為守。生琦於此。生時。治前榕樹悉。花如攀枝。今樹尚在。又城東鸚鵡山。承天寺塔。植榕樹。絕無矢污。榕根盤踞。無復。侵出石闌外者。

南安縣西九日山。延福寺。有無名木。宋時木也。而莫識其名。王十朋詩。一木蒼然老。更奇。肯將名與世人知。我來不具知名眼。深愧平生未學詩。福泉山有徐道菴。菴前。椽木合抱。紹興三年。水出其中。或以瘞病。

永春縣樂山東臺有橋一本。橋實隨人取。袖歸即變蛇。蟻人號東臺仙橋。

泉州城中。承天寺菩提樹一本。大十餘圍。高數十丈。

建寧行都司。元平章陳友定舊署。多大樟。皆十數人合抱。一樹中空。可坐五六人。槎。枒下垂。儼如岩洞。不知為樹也。口城南三里開元寺。瓔珞松二。

建陽縣西北七十里雲谷道中。有數松詭異。石碣曰戰龍松。朱晦翁書。

崇安縣圖宋令趙扞手植梅邑人碑之銘曰召有棠萊有柏清獻梅碑以石

浦城縣□□村中銀杏一株世傳仙人擲樹枝於上其枝垂下生每果熟樹腫成大塊破之可得二三四多至擔餘形視凡果差小味則相同

尤溪縣西南百七十里分枝嶺界泉之德化上有大樹南北分向分縣境歸化縣羅漢寺有樹名羅漢結子如嬰兒

莆田縣福平山鳳山寺前有大木乃甘棠赤榕椶櫚三木合為一幹蓋其初鳥食二樹之實遺矢一樹中若寄生然久之合為一樹矣輪囷蔽虧參漢連午東西不見仙遊縣楓亭驛荔枝樹六株皆參天味最甘□大旗山石瀨有一樹婆婆如榕國有大坎樹輒先悴人名知國樹

漳州鎮海衛榕樹幹大如一間屋陰三十餘丈翠屏山之麓有大小二洞洞口桃二株不根土壤對峙石壁上高不及三尺歲結碧桃數十顆

光澤會仙岩石斗岸上有朱挑熟時即墮人莫能得

平和縣三平山樟樹云唐叢中禪師初入山卓錫而立化而為樟今尚存

福寧州龍泉菴榕樹其中可盤坐五六人枝梢寄生大可數十圍

廣東

廣東城內。光孝寺。菩提樹。梁天監元年。梵僧智藥三藏自西天竺移植。令圍數抱。高十餘丈。經冬不凋。葉之筋脉細緻如絹。廣人每用此為燈。為花。

南雄府城東三里。三松臺。其地隆然。高阜上有松三株。蒼翠如蓋。

潮州府治東金城山。韓文公植一木。今不識其名。但稱韓土人視其花之疎密。以卜登科多少。去祠十餘步。種之輒死。有題文公祠云。韓木有情空谷暖。鱷魚無種海潭清。是也。

廣西

桂林府南門榕樹一。唐總管李靖所植。歲久根蟠。分而為二。

貴縣城內陸續井。口乾和中。刺史劉傳古植橘一株。

慶遠府城北山大岩。唐仙人陸禹臣嘗手植桃榴於左各一。又淨瓶植榕樹。凡二十四葉。至今不凋。

橫州馴象衛。殷指揮圍鐵樹。高三四尺。幹葉紫黑。葉小類石楠。周年乃花。花四瓣。紫

白色。如瑞香。累月不凋。嗅之草氣。

王濟曰。嵩堂手鏡。

雲南

雲南府城西南三十里太華山寺山茶八株高四五丈香閣前古椿圍二丈蒼幹入雲千餘年物府城南昆明池山茶亦大

安寧州西岸曹溪寺曇花一樹相傳自西域來扶疎百尺綠紫白花移植他處終不復活溫泉側有無名樹僅四五尺蟠根石崖四時不凋亦不長楊用修有瑤草蟠千年之語今距用修百年矣形質如故不知其何木也

江川縣北二十里雙龍鄉有古樹不知其名春茁葉自南則旱自北則雨自東自西則風雨時禾黍登四圍並發則饑饉旱澇驗之不爽亦不知昉於何代也

太和縣上關和山之麓有樹高七八丈葉如桂花白色每朵十二瓣應月數遇閏加一相傳仙種更無別本土人因其地名之曰和山花

白崖川□□□菩提樹高四丈

臨安府□□□荔枝二樹並合抱

武定府城西五里獅山上小池旁羅漢松一大數十圍霜柯鐵幹世所罕見

金齒衛城東北八十五里瀾滄江其南三十里有萬箭樹段氏時蒲蠻出沒經此過

者射其樹以厭勝之。至今猶然。高丈餘。鏃如蝟刺。

貴州

貴州金鷄驛東十餘里。松樹山。山石如臺。高數千餘尺。上五松。自漢以來至今不改。

柯馮元
成集

談遷曰。余輯古木在今者。据地志及文志紀咏耳。秦蜀閩粵滇黔中。地多深阻。歷代採木輒致異材。而徵文攷獻。自恨寒儉。誠為寸朽。貽笑鄧林也。

穀

仙稻。宋大中祥符五年。求之占城。分給江淮間者。耐旱熟。

江西建昌府。產銀珠米。宋時太守沈造嘗獻。

金華香稻。梁開平中。赤松壇道士周口獻。松湖西杭米。於錢武肅王曰。此實仙種。三秋穗重香濃。止五十區。鼠則野狸逐之。雀則蒼鷹逐之。王密遣張思敬往視。果然。遂賜紫衣錢帛。明初沿宋制。歲貢香米三十擔。太祖曰。我訪知間擇圓淨者。用黃

絹袋盛貯。封護進呈。今後同秋糧送納。不須歲貢勞民。自此遂絕。

金華
府志

平涼番麥。一曰西天麥。苗葉如葛。梳而肥。短未有穗如稻。而非實。實如塔。如桐子大。

生節間花垂紅絨在塔末長五六寸三月種八月收

平涼府志

襄城縣土產芒大麥米大麥亦可釀酒漢書揚州有桃花米即今秦州紅也為下品
米豆雷州府思靈島出枝葉似柳花如烏豆一種之後數年生實淮南子豆之美者
有米豆

四川山峽產雲南稗一曰鷹爪稗以形似名亦播種畦植與五穀爭植東南所無也

竹

杭州餘杭縣之洞霄宮竹葉採之或不露骨云無骨箬

嚴州越王竹聞人聲則縮入沙中

延平府劍津西山有朱竹數頃按朱竹世末之聞元時宋仲溫在試院卷尾以硃筆
掃之故張伯雨有偶見一枝紅石竹之句管夫人嘗畫懸崖朱竹楊廉夫題曰網得
珊瑚枝擲躑躅笈嘗谷明年錦棚兒春風生面目蓋畫中朱竹不謂實有之也

鄱陽人言山中產異竹高十餘丈其徑盈尺截而為簫往往得泉甚甘山人亦多壽

考陶安學士集

袁州萍鄉縣羅霄山晉葛洪修煉處壇生二竹風動如掃人謂之掃壇竹又岳州平

江縣暮阜山一名天岳山。上有仙壇。瑞竹同本異幹。隨風掃地。名為掃壇竹。均州西南薤山。孤竹三莖。歷三年一笋生。一笋甫成。則一竹枯。代謝不已。

茶陵州真山洞。有竹節長一尋。徑數尺。名曰雲英。

廣州增城縣東南二十三里。猊山產婆羅竹。圍三四尺。性至堅。土人取以為弓。

衡州衡山有萬年竹。

惠州羅浮山有巨竹十圍。節長二丈。曰龍葱竹。

平樂府平樂恭城二縣出筋竹。可作衫。充暑服。

峽州宜都縣飛魚口。產紅竹。大者不過寸許。鮮明可愛。又有竹。斜節如龍鱗。山園中間有之。不多得。

長韭

浙江象山縣東南百餘里。大海中韭山。產大韭。偏地為然。

四川邑梅峒長官司南八里。昔有人遺韭種山頂。韭長大許。四時茂盛。民多食之。

彭侯芋

福建連城縣蓮峯山。產彭侯芋。葉大如盤。冬夏不枯。過年子落崖下。人難取。取以

亦不能熟舊傳彭侯所種

甘藷

甘藷俗名紅山藥也徐玄扈相國曰近年有人在海外得此種海外人亦禁不令出境此人取藷麻絞入汲水繩中遂得渡海因此分種移植畧通閩廣之境俗名番藷蔓地生形員而長味甚甘山藷為劣蓋中土諸書所言藷者皆山藷也今番藷撲地傳生枝葉極盛若於高仰沙土深耕厚壅大旱則汲水灌之無患不熟閩廣人賴以救饑其利甚大

農政全書

朱藷產呂宋國被野連山不待種植夷競食之萬歷中閩人移蔓以歸種之數日即榮看自沙崗皆可植糞之加大泉人資以充饑何鏡山先生

喬遠有番藷頌

荔枝

弘治壬戌沈石田有白茆顧氏種荔枝成樹詩云常熟顧氏自閩中移荔枝數本經歲遂活石田使折枝驗之翠葉芄芄然不敢信也以示閩人良是因作新荔篇

按吳地荔枝難種住聞吾西湖馬太僕三才墓舍有荔枝樹垂實為俗子伐去偶見沈氏詩後人獨不為繼美耶

龍眼荔枝二種。廣東止於韶州。南雄則無。福建止於福州。至延平則無。大都近海之郡則生。不近海不生。閩俗女子將嫁男家。先一年送荔枝紅。

獨本葱

馬湖府產。獨本葱。宋真宗罷獻。

羅漢菜

南昌西山羅漢菜。因靈觀尊者。自西域持至。葉如豆苗。蘄州三角山亦出。雜以葷即無味。

人參

遼陽東二百餘里。山深林密。不見天日。產人參。採者以夏五月入。裹三日糧。搜之最難。或徑迷斃人。

萬歷中。遼東李都督如松嘗餽某侍郎一本。重十六斤。形似小兒。海鹽姚叔祥記。

地黃

懷慶地黃。蓋藉濟水灌畦而肥也。不知密縣東北一帶。旅生膏繁。苗時懷人用青蚘。買去每斤值五六文耳。計其所獲。畝需十金而饒。密縣志

琪樹

琪樹垂條如弱柳。結子如碧珠。三年子乃一熟。每歲生者相續。一年綠。二年碧。三年紅。綴條上。璫錯相間。產天臺桐柏宮石橋等處。

佛手柑

佛手柑一名飛瓊。鈕滔母孫瓊與定夫人書。此中果有胡桃飛瓊。

薔薇露

薔薇露出大西洋國。如牡丹花露。晶瑩芬芳。襲人澤體。膩髮經年不滅。

大內瓜子

大內多異物。歲一閱視出之於廷。有瓜子長五六寸。闊稱之。不知何地所產。其瓜當大於屋。此古來史冊所未聞也。袁貴妃父祐記 玉堂書記

文林郎

濟南文林郎果。本草云出勃海。如李如林檎。其樹自河中浮來。得之者為文林郎。故云。

不灰木

檉子經野火燒死根不灰。色白類龍骨。

萬歷己丑。督諸城東鄉人言廬山東麓崖塌出龍肉。又曰龍骨無數。邑人驚怪。後識者曰。不灰木也。其長莫竟。滿湖皆是。色白而軟。非木也。可以燃燈。類於龍骨。故訛傳耳。齊地記曰。東武城東南有廬水。二側有勝大木。方俗音曰檉子。其木經野火燒死。炭不滅。故東方所謂不灰之木也。

君子樹

君子樹似松。曹爽樹之於階。廣志

木威

廣西宜州木威似柃櫚。葉間有實。莖生似椴櫟。廣東蓋號為烏櫟。邕貴間謂波斯櫟。其葉兩廣人用作雨衣。柔靱密緻。勝青油也。

血樹

血樹似芭蕉。如血。根幹紫黑色。高者七八尺。雲南臨安有之。

塔松

峨眉山塔松狀似杉。而葉圓細。亦不見高。重重偃蹇如浮屠。山頂尤多。

椿實

鉅野縣郊外紅樹一椹蓋椿實也與餘者不同。楊士聰靜遠堂集椿木實香可啜

陰陽柏

海鹽橫山崔孝廉培元家廳事前二柏殆百年專左花右實予聞而特過之真奇種也按陳繼儒太平清話南渡時高麗進陰陽柏二株僅二尺許高宗以賜王陶陶種之永懷寺高與殿齊每歲左花則右實右花則左實

紅豆樹

南京牛首山東北鄭太監墓有紅豆樹

順棘

長清縣豐濟鎮北古城棘刺皆順而不鈎世傳宋藝祖微行過此長清縣志

菝草

山海經曰大隗之山其陰多鐵美玉青瑩有草焉其狀如蒼而毛青花而白實其名曰菝服之不夭可以已腹病今亦存其名耳併美玉青瑩皆烏有也密縣志

松羔

秦地松樹彌望山中尤多其小者曰松羔以木稱羔與羊羔之羔義同

楊士聰玉堂書記

金剛纂

天目山金剛纂樹長不滿三四尺多屈曲雖春夏亦無葉每觸其枝曳裾不前夷緬國有是種相傳到其末以清水水必毒飲者立死

安吉州志

雲南大侯州產金剛纂其色青狀如刺桐性最毒

赤藤

赤藤產緬甸朱色可為杖

孝陵海棠

孝陵海棠獨結實外香中酸

指甲花

指甲花五六月開花細而黃類木犀中多須蕊香亦絕似葉染指甲其紅過於鳳仙

稽含南方草木狀胡人自大秦國移植南海

日詢堂手鏡

婆樹木花

婆樹木葉似海桐又似楊梅花紅白色三四月盛開備紅紫白諸色叢葉並蒂大可

尺許。出四川峨眉山。

木蓮

峨眉山木蓮。四季巖粧若續。

早金蓮。五臺山出。瓣如池蓮。較小一圍。而色如真金。挺生墮地。相傳是文殊勝蹟也。

婆羅樹花

天臺山婆羅樹花。一名鶴翎。出華頂峯。以多經風霜。樹不高。如樹數十。枝枝十餘頭。頭六七葉。經冬不凋。花如芍藥。香如茉莉。唐天寶初。安西道進婆羅樹。

唐婆鏡

唐婆鏡。一名羞天花。一名倒垂蓮。本草所謂鬼臼也。其花背日。與蜀葵相類。

蒼菊花

牛首山鄭太監強蒼有蒼菊花。

滇茶

御史鄧鍊論滇茶十德。色之艷而不妖。一也。樹之壽。經二三百。年者。猶如新植。二也。枝幹高。疎有四五丈者。大可合抱。三也。膚紋蒼潤。黯若古雲。氣罇。四也。枝條黝糾。

狀似麕尾龍形可愛五也蟠根獸攪輪囷離奇可馮而几可藉而枕六也豐葉森沉叢茂七也性耐霜雪四序常青有松柏之操八也次第開放近月方謝每朵自開至落可歷旬餘九也採入瓶中水養之十餘日顏不變半含者亦能自開十也
昆明池山茶見吳人葛一龍四憶詩

玉女花

沁水縣韓王村玉女祠有樹每歲再花春赤秋黃人不之識張大理五典載之縣志大理長孫都督道濬遂名曰玉女花蓋今人耳目短隘或他處有是花具其名未可知也曹縣青山之土神祠縣志云樹古不知其名柳秀才元謂南人過之云樸也夫樸為下柎猶隔于淺識况其他乎孔林之楷子貢所植即吾鄉黃棟嫩葉可茹俗名茶娘也予年五旬因過丹陽摘芽同舟人語及有省否則終其身不知楷為何木矣

勞山牡丹

膠州勞山明霞洞宮白牡丹一本非近時物豪家匡氏移去而匡氏敗有白衣人見夢于道士曰我今來矣果舊坎復蘖至今存匡氏之種萎高相國記延安府膚施縣南四十里牡丹山曰花原山多牡丹樵者以為薪又縣西牡丹川牡丹特盛又宜川

縣東二十五里牡丹原

沈萬三牡丹

南京都察院河南道署中牡丹單紅為國初沈萬三物。

延州紅

延州杜甫川西三十里曰花原頭其山高五里口二十里千餘年來土人種牡丹幾偏至折為薪故名花原牡丹譜所謂延州紅也

海棠

大足縣古昌州也海棠獨香故又名棠國唐有大足年號即邑以年號名者種種如仁壽崇慶之類郭子章蜀草

金蓮寶相花

南京鷄籠山五顯廟金蓮寶相花一曰優鉢羅花開必四月八日至冬而實如鬼蓮蓮去衣其核中則金色佛一尊。

紫金蓮

登鄧縣嵩山法王寺紫金蓮開中秋一月云神光說法時從地湧出移他處即槁

轆頂花

隨州大洪山有若花菜轆頂花他方所無

李維禎大洪山記

普舍樹

施州普舍樹四時開百種花惟覃氏子教歌舞其下花乃自落

素馨茉莉

陸賈南行記南越五穀無味百花不香獨有二花不隨風土而變素馨茉莉也

特產

閩中紅茉莉蜀中紫綉球楚中紅梨花燕中黃石榴天臺黃海棠白海棠白紫薇碧桂花白玫瑰洛陽黃芍藥皆特產他地所無

益都方物畧記有赤鷓鴣止言可口歲不言其花予里佃人偶種得花開以日中花成條若簇小粟香如蓮色如百合亦若葵而稍淺先有臺如荷包之花綻而臺破見鄭以偉詩中

袁石公盛稱湘湖蓴菜美不知湘湖無蓴皆從西湖採去以湘湖水浸之蓴菜經宿則愈肥凡湖泉水皆可浸不必湘湖也令人但知湘湖之蓴又因石公言謂非湘湖

浸不佳。醫耳食者耳。見李流芳集中。有尊萊歌。

廬山紫芝

晁無咎鷄肋集。舊說廬山有紫芝田百畝。人莫得見。偶於開元棲賢林中。步二日。各得一枝。正枝如玉。云云。意紫芝可植。所少晁無咎其人耳。

木瓜

木瓜。出汲縣。爾雅曰。楸。木瓜也。衛人所賦。木瓜即此。

芍藥

灤陽芍藥。芽代茗飲。曰瓊芽。先朝進御。見黃潛集中。

不出宮菊

宋徽宗藝菊。有小朵銀色者。不令分種于外。禁中名曰。不出宮。菊譜所謂御愛菊也。

菊實

盛弘之荆川記。穰縣芳菊。被屨水極甘美。菊莖短。葩大。太尉胡廣恒汲飲此水。又收其菊實。傳植京師。穰。今內鄉縣。楚寶

菊譜

趙俊谷先生

時春

菊譜序曰。菊之為華。冬培根。春藝苗。孟夏分植。仲夏而迄。季夏再

取其肆。入植之。終夏而止。至秋大盛。伐其條。肆以培其花。迄秋而大成。初冬大發其美。既欲其久存。或苦覆之。帷幕之。蓋終一歲之勤焉。其名著于月令。養于靈均。紀于本草。盛於南陽。陶潛籬之。杜甫叢焉。幽人騷客。率以發詠。至宋人譜之。而大備色之殊者。或如墨。或崇及尋丈。色品繁阜。宜隰及圃。中者宜原野。下者蔓行丘陵。皆華而不實。其植以根。枝蔭之。根成而暢。晚乃見其白面。內苞作筒。外瓣單者。香甘。宜醇酒。卻風濕。養老壽。本草杜甫詩所謂甘菊也。開以伏日。而色紫紺。結子即種。而不根。羨世號六月菊。今吾郡及雁門西河高山多有之。菊之贅也。華之不植。而灌樹者。或萬數。僅如大小錢。但可釀麴。不足稱也。受培植而藝工者。于其身。保其葉。翹然上生。其端有微葉。乃參之。而又于其枝。保其葉。條然扶搖。其端有微葉。又參其巨莖。而伐其細莖。參三以應陽九。亦菊性也。率以微葉冒端者。為微。否即因糾。藝者必審於此。故花大及二寸餘。小者猶當十錢。參三之。而不可過者。或至再倍。身洪大者。如大小指。可杖。單者。猶二三尺高。率及人肩。菊之最盛者也。糞必熟薄。而函數均平之。溉以三五日。陽地以涼。陰地以溫。溉溫泉。洪河之流。溉最良。良獸之腥。尤宜。溉。豁之。陳

油宜糞分植而未根莖宜陰或蓋冒之樹蔭之既以葉舒為傲拳既溉之或以壺水

如針孔者雨之俟可肆宜移諸陽皆上品也其下者亦居陰寒冬除其霜霰或曰此

北方平原法也寒甚失陽上品花或否南方炎洲有雪乃開或至中冬大抵菊凌霜

耐寒亦稟中和之氣焉糞生米汁輒生蟲腥腐六畜之賤藝工動作之疏率能敗菊

於法當除黃中央上正色菊本黃上品大黃菊正黃金鶴頂黃幅赤心二品畏寒雪多覆之赤金盤黃赤

玉繡球淡黃黃鵝毛御愛黃俱千葉夾黃中品火煉黃黃幅佛面黃俱千葉蜂窩黃一名金荔枝

一名萬卷書紫筒幅單黃大金錢單黃金簪頂一名遠枝嬌幅單翅黃下品硬幹赤南方火正色絳紅

紫以淺深別也非加服之間色也上品絳紅袍正紫紅鵝毛海東紅紫俱千葉初紫晚作花色中

品狀元紅一曰舊朝服初紅晚黃下品金眼回單紅幅黃筒白西方金正色凡色白者皆靚

潔而香菊為甚皆可釀酒入藥上品平白雙幅黃筒半青心白千葉細青白鵝毛千葉細共白蜂

窩即甘菊銀鶴頂單白幅淡黃金盞銀臺單白幅正黃筒粉色得人之正色青且麗者也上品銀

鶴頂紅細白幅荔枝紅白細幅漸作淺深大粉息千葉中品玉蘭友小粉息千葉虞美人雙幅粉黃筒八月菊

粉朝八月蜂窩粉筒細千葉

蘭

蘭有紫黃碧三種。又四川霧中山產赤蘭曰冬蟬。黃蘭曰玉蟬。紫蘭曰金蟬。宋末鄭所南畫蘭不根土。曰今日此土非我有也。雖憤語。而天臺山產風蘭。鹿角蘭。俱不土而活。

宋政和五年。正月密州產蘭。彌漫山谷。或附木石。或出平地。有一本數十花。層叠高

丈餘。五色咸備。

密州志

蘭有蒲蘭線蘭各種。

保定縣志

棉花

潁州志紅棉花青棉花俱間產。

禹貢兗州厥貢縻絲。厥篚織文。揚州厥貢島夷卉服。厥篚織貝。註謂兗地宜桑。織文者。綿綺之屬。卉服。今木棉。而織貝為木棉之精好者。曰桑絲。曰木棉。維兗與揚之島夷作貢。彰矣。古之所謂綿者。絲綿也。古之所謂布者。梟布也。故唐人稅法。每丁歲輸絹或綾。純共二丈。棉三兩。輸布者麻三斤。宋林勳作政本書。匹夫之貢。惟絲與棉。非蠶鄉則貢布。麻夫以綿而繫之絹。以布而繫之麻。則綿為絲綿。布為梟布也。明矣。元學士王磐序農桑撮要之書云。木綿種於陝右。輟耕錄云。閩廣多種木綿。紡績為布。

蓋木棉出於南夷西域宋元間始傳閩廣關陝至明時乃盛

茅

芭茅出沅江一莖三脊。

瀛州青茅草可為筆。

河南新鄉縣魯包村仙茅世傳西域僧所獻唐明皇服之有驗至今江南人呼娑羅參。

嚴州釣臺地止生白茅無他產即瑛詩乾坤留節氣草木顯清風。

仙草

雲南蒙自縣有仙草葉圓枝細其葉乾之一二年醃以井泉或氣呵之復鮮茂如故不死草

柳州產芭草俗呼不死草狀如茅高一二尺食之令人多壽暑月置盤筵中蠅蚊不近物亦不速腐戰國策楚人獻不死之藥即此

真仙洞草

茶陵州真仙洞深十里許有草一本枝高三十丈狀如芭蕉

觀音範觀音燭

延平尤溪縣之雙峯山。生異草二種。一如婦女束髮髻。名觀音範。一如樺燭。可灌油。照夜。名觀音燭。

俱那衛樹

俱那衛樹。高七八尺。枝脆葉狹而長。花紅。根似玉簪花而小。曾師建閩中。記南方花。有北地所無者。閩提茉莉。俱那衛。皆出西域。盛傳閩中。北地雖植。不能活也。

夢花草

綏寧縣產夢花草。其莖如藤。其花黃白。叢條如綫。有疇昔得夢而遺忘者。紐之即寤。見一統志。嘉興包公判先生汝楫。令綏寧。嘗訪之土人。不知也。

虞美人草

四川雅州和夷壩。生虞美人草。歌曲其草自舞。

羅漢絲

衡山天掌峯。生草。兩莖相纏。垂頭如絲。俗名羅漢絲。

通靈草

成化時邑人孫暉守潯州。斷藤峽有草名大藥。治金創撲損神效。強人珍之。孫歸移種而萎。弘治三年三月。忽生後圃。孫曰。思之二十年。不圖復見。名通靈草。今不傳。或有之。無知其名者。

相連草相離草癡漢藥

貴州青浪衛山間產相連草。苗婦於高山長歌連日。歌淫心蕩。有草飛來入懷。置衣袂間。令人相思欲死。相離草。投飲食中。令夫婦參商。又草名癡漢藥。淫婦以食其。如醉夢絕無妬心。徐尚書良彥隨風錄

茶

國家歲貢宜興縣芽茶百斤。內二斤。上南京禮部。

六安州芽茶三百斤。

廣德州芽茶七十五斤。

建平縣芽茶二十五斤。

浙江長興縣芽茶三十五斤。納南京。茶出顧渚。即芥茶也。近時僧大方製法。剪去尖末。號大方茶。按宋朱長文吳郡圖經續紀。茶。長洲縣生洞庭山者。與金時蘄州味同。

近年山僧尤善治製。謂之水月茶。以菴為名。也頗為吳人貴之。
嵯縣芽茶十八斤。

會稽縣芽茶三十斤。

永嘉縣芽茶十斤。

臨安縣茶二十斤。

樂清縣茶十斤。

富陽縣茶二十斤。

慈谿縣茶二百六十斤。縣西南六十里。宋寶祐間丞相史嵩之治墓。建開壽普光禪寺。其山頗產茶。殿帥范文虎因置茶局進貢。元明皆仍之。

麗水縣芽茶二十斤。

金華縣茶二十二斤。

龍游等縣芽茶二十斤。

臨海等縣芽茶十五斤。

建德縣芽茶五斤。

淳安縣茶五斤。

遂安壽昌二縣各茶五斤。

桐廬縣茶五斤。

分水縣茶一斤。

江西南昌府芽茶七十五斤。

南康府芽茶二十五斤。

贛州府芽茶十一斤。

袁州府茶十八斤。

臨江府茶四十七斤。

九江府茶一百二十斤。

瑞州府茶三十斤。

建昌府茶二十三斤。

撫州府茶二十四斤。

吉安府茶十八斤。

廣信府茶二十二斤。

饒州府茶二十七斤。

南安府南康縣茶十斤。

湖廣武昌府芽茶六十斤。

岳州府湘陰縣茶六十斤。

寶慶府邵陽縣茶二十斤。

武崗州茶二十四斤。

新安縣茶十八斤。

長沙府安化縣芽茶二十二斤。

寧鄉縣茶二十斤。

益陽縣茶二十斤。

福建建寧府建安縣芽茶千三百六十斤。內探春二十一斤。先春六百四十三斤。次春六百六十二斤。紫芽二百二十七斤。薦新二百零一斤。按何喬遠閩書建安縣鳳凰山之麓曰北苑。所焙茶最知名。曰社前。次曰火前。又次曰雨前。火前為寒食前。雨

前謂穀雨也。鳳凰山旁曰壑源。曰沙溪。皆產茶之地。而壑源為冠。

崇安縣茶九百四十一斤。內探春三十三斤。先春三百八十斤。次春百五十斤。薦新四百二十八斤。

計天下貢茶共四十二斤。而建寧茶品為上。宋元時所貢必碾而揉之。壓以銀板為大小龍團。明初以重勞民。罷造龍團。惟採其芽以進。

自貢茶外。產茶之地。各處不一。頗多名品。如吳縣之虎丘。錢塘之龍井。最著。攷南宋蘇州茶額六千五百斤。元無額。明納錢三百十九萬三千有奇。惟吳縣長洲有之。

成化三年。奏准南京供用庫歲用芽茶。坐派池州府二千斤。徽州府三千斤。葉茶徽州府二千斤。蘇州府二千斤。滁州二百斤。徐州二百斤。廣德州三百斤。南京戶部志

四川茶園十株取一。徵茶三兩。茶四十斤。易番人馬一。李文忠以茶五十餘萬斤。易馬萬三千五百十八匹。今茶課本色十五萬八千八百五十九斤。係石泉建始長寧等縣。並建昌天全烏蒙鎮雄永寧九姓土司辦納。

陝西茶課今五萬一千三百八十四斤。係興安紫陽石泉漢陰西鄉歲辦。

陸羽茶經曰。杭州下。蘇州又下。建州未詳。郭子章曰。今三州名甲。宇宙豈山川清淑。

之氣當竟陵時未茁為茶也耶。

宋貢茶首稱北苑龍團而武夷石乳之名未著。至元設場於武夷遂與北苑並稱。今但知武夷不知北苑矣。明朝不貴闌茶即貢亦備宮中浣濯瓶盞之需貢使數賫金抵京買而納之即間有採辦皆足平產非武夷也。延平人呼製茶者曰碧壘新茶下崇安令例致諸貴人黃冠苦

金絲煙

金絲煙出海外番國曰淡巴掘流入閩粵名金絲煙性燥有毒能殺人天啟二年貴州道梗借徑廣西始移其種葉似薤長莖採而乾之月批如絲今藝及江南北崇禎十六年勅禁私販至論死而不能革也

經刳草

茶陵州雲陽山有草高三十丈一本千枝一枝萬葉百年而開一花已開而謝陰卷

晴舒名曰經刳草

茶陵州志

叢林雜俎中集

明 鹽官談邊孺木著

蹟動

獸異名

獸之異名者曰舍利能吐金曰貍能化虎曰魑白虎也一名素威曰黠黑虎也曰
蠙似狸長百尋曰象輿其背可坐曰獬胡似獼猴曰飛遽天上神獸也曰禹禹能
知生死飲其血則見血曰猾裏音如斲和曰山獐其行如風見則大風曰辣辣狀如
羊一角一目曰吉量支馬乘之壽千歲曰踧踖曰屏逢皆左右有首曰鵠蒼異犬也
曰鶯帆者快馬名曰飛燕馬也張平狗亦名飛燕曰鮭魴者一角羊也能觸罪人曰
倉光水獸也一身九頭善覆舟曰破鏡惡逆獸曰不來狸也曰叩叩距虛比肩獸也
曰花鶻王鐸卑脚犬也曰天鹿即天祿純靈之獸曰角端日行萬八千里曉四夷語
曰餘幽隱獸也能避災害曰雞斯散宜生賂紂馬也曰荼首兩頭鹿也曰瞿摩帝牛
也曰驪驥距虛類曰蒙貴狀如狢而小善捕獸曰贊者出大秦國似狗多力獷惡曰
蚺水獸也曰白漚踰輸山子皆駿馬名山子又名五明又名叱撥曰野子即騰駝

禽魚異名

鳥之異名者曰畢方。能銜火作災。曰駿驥。鶯雉也。曰屬玉。似鴨而大。曰鷓鴣。似鳧而脚高。皆辟火災。曰庸渠。鳧也。曰焦明。似鳳。曰帝江。天山神鳥也。能歌舞。曰鈞星。衣毛為鳧。脫毛為衣。能收小兒魂魄。曰鵠鵠者。出墓山。如雞。三首六目六足三翼。食之無卧。曰瞿如。白首三足人面。曰橐瑟者。冬見夏蟄。服之不畏雷。曰鳩鵲者。出小侯之山。食之不瞑目。曰鳩者。出女儿山。雄名運日。雌名陰諧。曰鳩鴝。鴝也。曰鷓鴣。班鳩也。曰舊。周子規也。曰須臾。鷓也。膏中螢刀。曰春鉏。鷓也。曰鷓鴣。如鷓。一名鷓鴣。一名鷓鴣。人射之。則銜矢射人。曰布有。崑崙大鳥也。曰擘明。楚鳩也。曰螭螭。即鳩也。曰晨風。鷓也。曰博勞。惡鳥。即鷓也。又名伯越。曰商羊。雨禽也。曰鷓鴣。比翼鳥也。曰謝豹。杜宇也。曰訓狐。怪鷓也。曰鷓。河澤鳥。相視而生。曰阿濫堆。驪山鳥也。明皇取其聲為曲。又作鷓濫堆。曰迦陵頻伽。妙聲鳥也。曰僧婆。雁也。曰秦吉了。能言鳥也。曰鷓鴣。出條支國。高七尺。解人言。曰乾澤。鷓鴣也。曰脰鳥。燕也。曰鷓。山鳥也。曰鷓鴣。水鳥也。曰鷓鴣。即青鳥也。曰批頰。即鷓鴣也。催明鳥。曰麋鷓。九頭鳥也。曰韓朋。鳥雙飛。即韓憑夫婦所

化曰漱金鳥。魏時昆明所獻。吐金屑如粟。鑄之可為器也。曰冠冕石首魚。所化水族之異名者。曰鰩魚。狀如科斗。曰鱒。有橫骨如鼻前。所擊無不中斷。曰鱖魚。如便面。雌負雄行。曰蝟。似蝦。益人顏色。曰鱖魚。如圓盤。口在腹下。曰三鰻。似蛙蛤。曰虹。江似蟹而小。曰蛟。小螺也。曰蠓。蛙腹中有蟹。曰水母。有智識。無耳目。曰龍鱗。一角陸君。曰文鮒。狀如覆鉢。曰蟾。大龜也。曰吉弔。龍卵也。龍生二卵。一為吉弔。其脂治蠱。曰地甲。龜也。一曰神屋。曰芫。紫螺也。曰活師。即科斗也。曰仲明。鮪魚也。曰鱖。乃鱖魚也。曰魁。陸蚶也。曰人魚。鮪魚也。其膏可為燭。曰小唐。如小兒。鱗甲如鱗。鱖好在磧上。自曝。曰元緒。神龜名。曰彭越。海中小蟹也。曰鱖。鉢者。浮陽魚也。曰鱖。比目魚也。曰鱖。缺即烏鰂魚腸也。曰鮪。魚之生母也。凡諸魚欲產。輒以頭衝其腹。曰印頰魚。即東坡詩通印子魚也。曰禺禺。揚州魚也。又名解脣。曰沈虎。虎頭魚也。曰潛鹿。鹿頭魚也。曰奔鰐。一名瀾。獺婦所化。曰白髮魚。出滇池。曰妾。怪魚也。出博白。曰鰭。如鵲而十翼。捕之可以禦火。曰燕。紅魚也。出福州。曰螭。蟹也。曰百足。亦蟹也。長九尺。四螯。煎為膠。謂之螯膠。出善苑國。曰黃臘。即橫魚。夜有光如燭。雖為炙不滅。曰骨雷。鰐魚也。一名忽雷。能化為虎。曰螃。傍海大魚。其溺甚毒。曰係臂。如龜入海捕者。祭之則出。

龍

龍生九子。蒲牢好鳴。囚牛好音。螭吻好吞。嘲風好險。睚眦好殺。鳳翥好文。狴犴好訟。狻猊好坐。霸下好負。又博物志。憲章好囚。饕餮好水。蜥蜴好腥。螻蛄好風。雨。螭虎好文彩。金猊好烟。椒圖好閉口。蚩蚩好立陰。鯨魚好火。金吾不睡。皆龍種也。

嘉靖初海門縣牛渚潭產龍無數。傍崖近水處皆龍窟。舟過其下亦不傷人。偶黃龍起。楊氏射之中一目。黃龍遂以楊氏舟挾真山巔。迄無害。餘數十舟覆沒。

嘉靖七年寶應知縣聞人訟以射陽湖水患奏開月河試築紀功方類地祇舉事。二龍戲水上。鱗角畢露。眾懼而寢。時大雨繞四野。獨不及工所。咸稱其異。以上揚州府志

南昌熊太僕。口口以比部郎。獄獄永平。大雨三日。雨中若列千萬炬。自西北至海。及霽。有大木三十。長十丈。遺永平城下。土人曰。龍王採木。數十年一見。

諸城縣海邊人家。有室女及笄者。夏雨。以手掬簷溜。後右手拇甲內。若有紅線寸許。作盤屈之狀。年餘不滅。亦無所苦。女伴戲而恐之。曰。得非龍乎。明年夏雷雨。女出其手於窗外。忽震雷碎首。從窗間起。有龍出拇甲中。騰空而去。但甲分裂。餘亡恙。

沁水張忠烈。以御史巡視隴右茶馬。某地巨魚半露。人嚮食之。明日又半露。仍嚮

之日露日嚮旬餘。大雷雨。龍上昇。而嚮食之家俱漂沒。

忠烈子道濟說

陽城縣劉村劉氏。夏雨。跌坐。拇指掣動。頃之破膚而出。長三四寸。騰雲頓長數十丈。

指微痛不覺。

張藐山先生說

我眉山前為龍穴。游人至僧鉢盛之。如蜥蜴。尹伸曰。此下方蛇醫。何龍也。僧指示首爪特異。僧舍有碣。昔有悞汲入釜中。頃刻雷電大作。晝晦。諸僧不知所為。老僧曰。得毋煮龍子乎。亟發釜出之。立霽。

伏牛山泉。游人祈龍現形。可三四寸。鱗角蜿蜒。盛鉢中。云佛受記。

以上臨海王恒叔游記

曹縣苗家寺佛像。指出龍財三寸。條數寸。首向佛。欸忽透空。數十百丈。赤光閃指。令

佛指痕存。

曹縣鄒開宗記

平湖徐在中。以工部郎中。分司張執。張真人舟過。侍兒清麗。徐時謔之。真人曰。先生可自重。此某地龍也。不信。令進盤水。侍兒忽入之。即雷雨。

萬歷己卯。行人謝杰。使琉球航海。颶風作。大雷雨。有龍三。掛於舟上。見其頭角。一長年曰。此來朝璽書。急挾杰起。書免朝示之。即退。

崇禎丙子。沁水曲底村。山崩。露龍骨。首如五斗盞。角長三四尺。齒廣寸許。爪甚長。人多拾之。藏於家。

龍三停九似。自首至膊。膊至腰。腰至尾。皆三停。角似鹿。首似駝。眼似甲。項似蛇。腹似鱗。似魚。爪似鷹。掌似虎。耳似牛。

龍涎香。出蘇門答剌國。其國西有龍涎嶼。峙南巫里洋之中。羣龍交戲其上。潰涎焉。國人駕獨木舟。伺採之。每一斤。值其國金錢百九十二枚。准中國銅錢九十文。嘉靖三十四年。下戶部。取香百斤。偏示京師。不得。下諸藩司採買。廣東購。每斤十二百金。僅得十一兩。進內驗不同。姑存之。亟取真者。廣東歎囚馬那別的貯有一兩三錢。上之。黑褐色。密地。山夷人。繼上六兩。白褐色。細問狀云。黑者採在水。白者採在山。皆真。不鷹。尋有密地山高。再上。通前共十七兩三錢五分。次年進內辨驗。是真。許留用。自後。夷船聞上供。稍稍挾來。定價每兩售百金。龍涎之為用也。入香合和。能收斂。腦麝清氣。雖數十年。香味仍在。焚之。翠烟裊空不散。或言涎沫有三品。曰泛水。曰滲沙。曰魚食。泛水。則輕泛水面。善水者伺龍出。隨取之。滲沙。則凝積多年。氣滲沙中。魚食。則化糞散於砂磧。惟泛水者可入香用。又魚食亦有二種。海旁有花。若木芙蓉者。春夏

間盛開。花落海。大魚食之。若腹腸中先食龍涎。花嚙入。久即漲悶。昂頭向石上吐沫。乾枯可用。惟薰者不佳。

蟒

爾雅。蟒者大蛇也。蟒無角無足。龍則俱角足。今織蟒俱龍。非禮。見弘治元年都察院左副都御史邊鏞奏禁。

蛇

京師西山潭柘寺有青蛇。二歲四月八日僧玉示大眾。施錢手摩之。祈免死。梧州火。山有蛇廟。佛爐上蛇時纏之。大小不等。少則百餘。多至四百枚。盜殺不服。予蛇。然之。是盜則噓。否則絕不傷人。

天啟初。福清葉相國向高。應召直淮陰。苦清口涸。禱於金龍大王廟。或作神語。此地屬張將軍。當問之。若外河。吾當護送。夜果水漲。達清口。是日蛇附於柁。薄暮升柁樓。忽不見。相國勒記廟中。

崇禎口口大旱。某縣有三蛇。金背白腹。長三四尺餘。有司設酒穀祭之。一蛇躍上臺。案吸酒盡。須臾不見。陳眉公集

脆蛇出崑崙。聞人聲。即自寸斷。人伺其斷。鉗取之。須寸各異處。待風乾。入藥。若少須無人聲。寸寸動躍。仍續而蛇也。主治色勞。以驚疑喪膽。惟此可續命。本草方書不載。

玉鏡新輝

石魚

蘇東坡曰。倦游錄云。隴州地名魚龍。出石魚。掘地破石得之。多鰕鮒之形。鱗鬣皆具。二如描畫。魚龍古之陂澤也。豈非魚生其中。山頽塞久。土凝為石。遂留形跡耶。

萊陽聚溪出魚鳥石。云魚淤沙中。久之化石。文大青集

飛魚

國初杜侍郎寅序正云。有人航海。得飛魚於黑水之陽。其長二丈。頤兩鬣。各廣長寸餘。張為兩翅。海風發作。從波濤集船上。如燕雀。既止。則不能飛。意者爰居海鳥。亦此類。與莊周所謂鵬化為鷖者。荒誕也。

五色魚

隴州魚龍水潭。深不測。產五色魚。俗以為靈。莫敢採捕。

狼山魚

崇禎元年八月十三日。狼山兵人喻崇布。冒於港。夕得魚可三尺。巨首細尾。體甚重。投笮箸中。忽太息曰。我游自海上。乃受制乎。崇駭之。即移歸。漸縮作鮓。三其尾。崇懼。擲殺之。

鮓魚

雲南百夷中。有小孟夏。江產鮓魚。食之日御百婦。故夷性極淫。貴賤俱有數妻。山中又有鸞。薑餌一刀圭。終身斷絕人道。土人以飼牝馬。不宦也。滇程記

鯀魚

四川通志。禁經縣生鯀魚。狀如鮓。有四足。大首長尾。聲如嬰兒。緣木弗墜。

通州鯀魚

通州人葛原六。魁梧豪俠人也。以布衣獻鯀魚百尾。時用法嚴。或阻之。原六笑曰。爾不上食父母耶。君猶親也。庸何傷。及至上。召問之曰。魚羹何如。對曰。臣未進。不敢嘗也。上大說。命賜酒食。仍還其一。曰。勞汝勞汝。其後歲進至九十九尾。著為令。

畫魚

重慶府龍門山寺。吳道玄畫魚籃觀音。池魚五色。類籃中物。相傳俛失之。魚水頓竭。

既獲即如初。陳周蝶
登存稿

石花魚

保德黃河之鯉肥美甲天下。產處僅三十里。以食石花而肥。曰石花魚。

銀魚

寶坻縣銀魚。每歲霜降。銀魚自海沂流而上。縣設六廠。各漁戶百七十人。每歲中官下廠督捕。進貢七次。

鯽魚

南京朝貴。惟胡惟庸故府。每歲於玄武湖中。勅賜打魚三日。名飯魚。

滁州城濠產鯽。歲貢一千四百尾。以元日冬至分進留都。南京後湖。灤州河並產鯽。西寧衛西五百餘里。青海方數百里。一名卑耒羌海。有魚皆負黑點。漢末王莽誡卑耒羌獻西海地置郡。即此。

蛙

我眉山天樂池中有蛙。游人鼓掌則一鳴。羣蛙次第相和。將終則一蛙大鳴。羣蛙頓止。宛然一部鼓吹。

玉蟾

楊城李瑛從宦葭州署後園見白蝦蟆甚大如瑩玉呼家眾視之已失所在。

蝗

蝗腹下有梵字自忖利天梵天來西域作天壇禳之。

百陽雜俎

江下魚化為蝗而食五穀者百歲為饑。

述異記

螢蟬

環慶無麥秋大梁無螢無寒蟬然寒蟬螢北京有之矣地之異耶冷使然耶。

李夢陽集

金蠶

無錫鄒迪光金蠶說畧曰金蠶閩中有之形似蠶色黃其說不見於諸書閩人云蠶所在有金焉或過而拾其金蠶必與俱之家若不令與俱輒營營然緣足而上撲之復起旋撲旋起延及身手膠手掣足贖耳窒鼻兩目眊眩類無色澤四肢百骸恟恟若失而死迫矣即不與俱而還其金亦由首企踵適然下地而不然者果死矣既已之家必倍其金以嫁於道路乃出否則不出也而所居家日殺一人亡論親疎怨德觸之必死死必其日所首觸者其毒蓋寓於盤食飲食間故閩人有不知而偶拾其

金以歸。及已知。而苦無金倍送者。或雖知。且有金。性貪以忍者。往往有是蠶云。劉夢
蠶。北海所無。獨西南方有之。閩廣滇貴。延綏臨洮。俱有。閩字從蟲。謂金蠶也。樓集

野蠶

夢溪筆談。禹貢萊夷作牧。屢篚縈絲。史記作會絲。爾雅曰。縈。山桑。顏師古曰。山桑之
絲。其韌中琴瑟之絃。蘇氏曰。惟東萊為有此絲。以之為縈。堅韌異常。萊人謂之山蠶。
爾雅曰。蠶。桑蠶。讐由。樛蠶。棘繭。樂繭。玩繭。繭。今萊陽之山蠶。純蓋樛繭也。枚乘七發。
野蠶之絲。以為絃。殆所謂繭繭而韌堅者與。文大
青集

永樂時。山東進野蠶絲製衾。薦之太廟。羣臣稱賀。今東齊山谷有之。與家繭等。蠶月
浴種出。蟻蠕蠕然。即散置樹樹上。樹樹初生時。猗猗不異柔桑。聽其眠食。食盡。即枝
枝相換。樹樹相移。皆人力為之。彌山徧谷。一望皆蠶。其蠶自能壯大。生而習野。處風
日雨中。不為罪。然或傷水暎。畏雀啄。野人飼蠶。必架廬林下。手長竿。逐樹按行。為之
祭。陰陽。禦鳥獸。其稔也。與家蠶相後先。其獲者。春夏秋歲三收焉。蠶大者二寸。非黃
非白。色類土。淺則黃。壤深則赤。填墳。如果。贏繁實。離離綴木葉間。又或如雉雞。殼也。
蠶食樹名。榭。食椿名。楮。食椒名。椒。蠶之小者。作蠶。堅如石。大才如指。在深谷叢條間。

不關人加樵牧遇之收曰山繭練不加染黯而有章敵不易色宋王禹稱小畜集云
野蠶自稱繭繅密為山紬此物產何許萊夷負海州一端重數斤裁染為襲裘云
讀是詩則知宋時未始珍也且曰裁染不幾於漆方竹杖乎

鳳尾

正德中武陵陳洪謨守漳州之三年海上田者見大鳥飛過遺羽一於水涯長七八
尺五采炫煥衆以為鳳尾來獻命藏庫中後鎮閣來取答以焚棄陳洪謨字宗禹弘
治丙辰進士兵部左侍郎所著高吾詩集

碧雞

歛縣許文穆相國國孝廉時讀書宣城石山寺偶見二青鳥飛鳴移時乃去僧曰碧
鷄也傳聞唐時李翰林自蜀中攜來者我明惟舒梓溪狀元一見因出所藏圖卷
示之許作碧鷄篇綴其後

雞足山異鳥

賓川州雞足山有金雞泉日有異鳥飲之鳥來必雙至二十雙而止四時皆然鳥無
增減水無盈縮

石燕

零陵石燕相傳能飛。飛即風雨。唐詩石燕拂雲晴亦雨。是也。謝鴻云。向在鄉中山寺為學。見高岩上石有如燕狀者。因以筆記之。石為烈日所暴。忽有驟雨過。石即衝起。往往墜地。蓋寒熱相激而迸。若非真能飛也。五雜俎

朱鷺

密縣志。紅鶴大如舒鴈。羽白而喙朱。聲最濁。食魚巢樹。疑漢朱鷺此也。

海鵬

正德末有鳥黑色。大如象。舒翅如船蓬。飛入長安門內。大樹上。啖人鵝。如拾蛆蟲然。數月方去。人以為海鵬也。

石鵝

萬曆庚子。七月。山東任城縣浚河。於石中剖得二小鵝。大如拳。能行動。一老工曰。三十年前曾得一。

白蝙蝠

李太白集。荊州玉泉山。多乳窟。中有白蝙蝠。飲乳水而長生。其大如鵝。

鶴

萬歷庚寅夏臣謨入朝。偶見苑中五色鶴。異之。有詩。

山東泰安州甘露寺林鶴。每六月朔去。臘月朔來巢。

遼陽多鶴。嘗千百盤空。列仙傳所云遼陽鶴。不虛也。

淮安海州產鶴。於濱海崔葦之區。捕者深入。必折葦記徑。或得其卵。蒸置故處。七蒸七伏。因剖為杯。注酒。氣形而上。如鶴。

鶴

鶴有長水石。故能於巢中養魚而不涸。鶴取礬石周卵。以助煖氣。

鷓鴣

弋陽汪少宰。傳嘗赴中官席。飯僅半甌。香滑而膏。異於常。塵問所出。則蜀中歲進。其米生於鷓鴣尾上。每尾止取二粒。放去。來時仍可取也。

鸚鵡

萬歷三年乙亥。黃克悔北征。道出九江。同知洪樂卿告曰。元年癸酉正月二十五日。中使自西域取二鸚鵡。歸一紅一白。毛羽鮮麗。蓋人所未覩者。自言踰蜀始得之。至

楚而穆皇已賓天矣。有詩紀感。

沙雞

萬歷間京師市上有鳥大如鷓鴣毛色淺黃足五指有細鱗如龜文名曰沙鷄云自塞外至者其味亦似山雞。五雞

沙雞西北邊鳥也。虜騎數擾沙雞無止。冬月薄暮羣飛過都。如風成陣。後飛止江北。

食禾稼。鳳陽守臣奏異鳥。崇禎七年事。陳子壯南宮集

壬申沙雞入京。每來則邊警益。古突厥雀也。丙子虜入宣府。舉朝未聞。上從宮中。

傳諭本兵始知其事。楊士聰玉堂筆記按唐高宗甘露元年秋。鳴鷓羣飛入塞。人呼鳴鷓殿。

雀南飛。戎馬必至。已而泥孰。匈奴反。至春羣飛出塞。多墜靈武間。死視之無首。後泥孰。匈奴亡。噫。以古準今。昭若左契矣。

緣磬采雞

諸暨有貨藥毒人者。問於薜煖。薜曰。汝欲其急死乎。曰然。曰。亟死禍將及身。不若緩之。使其人不知。可自免也。其人善之。乃易緣磬與之。約有數月。始應至。期又問曰。汝欲其必死乎。抑尚可解也。曰。吾昔有甚怒。今稍解矣。曰。前與者。緣磬也。不能殺人。殆。

緩爾怒耳。其人悔謝而去。是年母雞抱卵三日羽毛變立。和頭距易狀。偏邑人來觀。曰鳳鶴也。恐非地方利。夜縱之長山上。錢德洪有綠鬚采雞傳。

雞

雞昏鳴。俗所異也。崇德曹廣遠思。崇禎庚辰登第。其家雞昏鳴。詰朝捷至。

元氏長慶集云。元和十五年。奉宣廟令。採同州雙雞五聯。各重四斤。頻年採取。一聯不獲。自臣到州。詢問採捕人等。皆云二十年。採得一聯。雞耳。昨旬日之內。并獲兩聯。斤兩輕重。悉符詔旨。今同州雞無聞。止稱秦和雞。萊陽雞。

鴉

廣東無鴉。又四川龍安府。鴉至四月終。有烏羣啄之。鴉俱匿影。華亭包長明。守羅定所說。

羅雀

桐城左遺直

光

萬歷庚子。離館里許。有白雀巢園。飛集環數百雀。江南老人指示。

土人曰。此巍科之應。左即登鄉榜。飛去。丁未會榜。又來巢。榜發。又飛去。後官中丞歸。被逮。公子往宿壽州。居停誇言。羅有白雀。視之。左翅有黑點。仍庚子丁未巢館園者。

問其羅曰。曰三月二十九日。即中丞被逮日也。為之嗟嘆。購之。隨身至宿州。羈宿公館未發。中丞問狀。曰白雀為羅命也。夫緣其毛羽為虞人所損。附歸善飼。候其滿。縱之中丞。父甚愛護。七月二十四夜。忽遇猫害。中丞父慘然。知非佳兆。後兇聞。至果二十四日也。

抵詭

衛輝府治前石獸曰抵詭。說文云。此獸其性忠。能

桃拔

西域諸國鳥。有獸桃拔。一云符拔。似鹿。長尾。一角者。或為天鹿。兩角者。或為辟邪。安息有大鳥。爵。其頸身似鷹。蹄似橐駝。色蒼。舉頭高八九尺。張翅丈餘。食大麥。曾以大鳥卵獻漢。即此鳥卵也。條枝亦有大鳥卵。如鵝。大月氏出一峯橐駝。謂脊上有一峯也。

毘耶

瓊州臨高縣西市毘耶山。有獸似犬。里人呼為毘耶。

裴休

眉山有獸送客呼以裴休則應

騰駝

廣東肇慶府西北十五里騰駝嶺以產騰駝故名。騰駝沐猴類頭正方貌類人髮長尺餘嘗覆面欲有所睨輒搖頭以兩手披之。

獅

天順中西番獻獅子道死獻其皮錦衣衛指揮僉事喜信使其人上書求通開西域西苑獅日食一羊西域胡人主之白布纏首帶衣綠支正三品料。

鹿

南京靈谷寺。太祖手書第一禪林鹿百十為羣其懸銅牌者國初所畜。

犬

雲南縣南二十里木山寺有木犬貴客至木犬自吠。

俗說犬豕獨產不利爾雅犬生三狡二師一獠豕生三狡二師一特郭璞注猪生子嘗多故別其少者之名又致富奇書犬生一子其家三年內大發。

羊

山西羊有八角。至四角六角為常。

松潘出六角羊。土人云羊與鹿交故六角。

白兔

虎鹿兔皆年千歲滿五百歲者其毛色白。萬歷中有舶商自暹羅攜白兔歸。聞售四百金。每季而育。其種日蕃。蓋另一類。生即白色。崇禎中浙直偏有之。直三四金。

鼠

詩相鼠有體人而無禮。陸機云河東有大鼠能人立。交前大脚於頭上跳舞善鳴。相地名。按地志相州與河東相隣。則知相州有此鼠。詩人蓋取譬焉。又密縣開腸山。周圍三里。產香鼠。惟經人行之路。則抱蒿莖棘枝而死。或樵牧者偶遇之。亦不能多得。黃花鎮禮鼠色如貂毛而淺。冬聚榛實於穴。作歧穴貯之。多至三斗。其榛實皆美好。倍常。山氓多掘取之。鼠失榛實。牝牡皆窄。腦樹枝懸死。若縊。鎮將閔之。雖厲禁不能止。

麟

麟爾雅釋麇身。牛尾馬蹄。一角。春秋所獲麟也。大鹿一角。牛尾。即漢武郊雍所獲麟。

也不角者麒。宋仁宗嘉祐二年交趾所進二麒麟。牛身象耳狗足魚鱗。所食草木皆中國無有。

豪彘

山海經華山西七百里曰高山。出豪彘。今平涼羗高山六盤是也。豪彘狀如彘。毛似刺蝟而大。可以為簪。黑上白下。甚美。弩之能射物以自衛。嘉靖以前多有。

平涼府志

馬

平涼苑馬寺置二監。監七苑。馬政開城苑。荒熟地三萬六千四百七十頃。四十三畝。縱一百二十里。橫八十里。碑標二十九樹。額軍七百人。原馬并駒二千六百三十八匹。

廣寧苑。荒熟地二萬五千八百八十頃。五十三畝。縱五十里。橫一百里。碑標十五樹。額軍五百人。原馬并駒千二百五十六匹。

黑水苑。荒熟地萬一千六百二十七頃。九十六畝。軍民地相交。碑標十五樹。額軍二百七十六人。原馬并駒一千四百匹。

安定苑

七百匹

清平苑荒熟地二萬五千九百一十頃三十一畝縱七十里橫四十里碑標二十二
樹額軍五百四十二人原馬并駒二千四百七十四匹

萬安苑

原缺

武安苑荒熟地二十九百五十七頃四十三畝額軍四百四十六人原馬并駒千九
百四十九匹

長樂監轄廣寧開城黑水安定四苑靈武監轄清平萬安武安二苑共

以下原缺